


正校
廿二史劄記

上海文瑞樓印行

津田文庫
文庫 1
1817
12



廿二史劄記卷三十五

萬麻中礦稅之害

陽湖趙翼撰

萬麻中有房山民史錦。易州民周言等。言阜平房山。各有礦砂。請遣官開採。以大學士申時行言而止。後言礦者爭走闕下。帝即命中官與其人偕往。蓋自二十四年始。其後又於通都大邑。增設稅監。故礦稅兩監遍天下。兩淮又有鹽監。廣東又有珠監。或專或兼。大璫小監。縱橫繹騷。吸髓飲血。天下咸被害矣。其最橫者。有陳增。馬堂。陳奉。高淮。梁永。楊榮等。增開採山東。兼徵東昌稅。縱其黨程守訓等。大作奸弊。稱奉密旨。搜金寶。募人告密。誣大商巨室。藏違禁物。所破滅什伯家。殺人莫敢問。又誣劾知縣韋國賢。吳宗堯等。皆下詔獄。凡肆惡山東者。十年堂天津稅監兼轄臨清始。至諸亡命。從者數百人。白晝手銀鐺奪人財。抗者以違禁罪之。僮告主者。罪以十之三。破家者大半。遠近罷市。州民萬餘。縱火焚堂署。斃其黨三十七人。皆黥臂諸偷也。事聞。詔捕首惡。株連甚眾。有王朝佐者。以身任之。臨刑神色不變。州民立祠祀之。陳奉徵荊州店稅。兼採興國州礦砂。鞭笞官吏。剽劫行旅。商民恨刺骨。伺其出。數千人。競擲瓦石擊之。至武昌。其黨直入民家。奸淫婦女。或掠入

010190611260

稅監署中。士民公憤。萬餘人甘與奉同。死撫按三司護之始免。已而漢口黃州襄陽寶慶德安湘潭等處民變者凡十起。奉又誣劾兵備僉事馮應京等數十員。帝皆為降革。逮問武昌民恨切齒。誓必殺奉。奉逃匿楚王府。眾乃投奉黨耿文登等十六人於江。以巡撫支可大護奉。焚其轅門。而奉倖免。高淮採礦徵稅遼東。搜括士民財數十萬。招納亡命。縱委官廖國泰虐民激變。誣繫諸生數十人。打死指揮張汝立。又誣劾總兵馬林等。皆謫戍。率家丁三百人。張飛虎旗。金鼓震天。聲言欲入大內。遂潛住廣渠門外。御史袁九臯等劾之。帝不問。淮益募死士出塞。發黃粟龍旗走朝鮮。索冠珠貂馬。又扣除軍士月糧。前屯衛軍甲而譟。誓食其肉。錦州松山軍相繼變。淮始內奔梁永。徵稅陝西。盡發歷代陵寢。搜摸金玉。縱諸亡命。旁行劫掠。所至邑令皆逃。杖死指揮縣丞等官。私宮良家子數十人。稅額外增耕數倍。索咸陽水片五十斤。麝香二十斤。秦民憤共圖殺水。民撤回楊榮為雲南稅監。肆行威虐。誣劾知府熊鐸等。皆下獄。百姓恨榮入骨。焚稅廠。殺委官張安民。榮益怒。杖斃數千人。又怒指揮樊高明。榜掠絕觔。以示眾。於是指揮賀世勛等。率克民萬人。焚榮第。殺之。投火中。并殺其黨二百餘人。帝為不食者累日。此數人其最著者也。他如江西礦監潘相。激浮梁景德鎮民變。焚燒廠房。相往勘。上饒礦。知縣李鴻

戒邑人敢以食物市者。死。相竟日饑餓而歸。乃劾鴻罷其官。蘇杭織造太監孫隆激民變。遍焚諸委官家。隆走杭州。以免。福建稅監高來。在閩肆毒十餘年。萬眾洶洶欲殺來。來率甲士二百人。突入巡撫袁一驥署。劫之。令諭眾始退。此外如江西李道。山西孫朝。張忠。廣東李鳳。李敬。山東張晏。河南魯坤。四川邱乘雲輩。皆為民害。猶其次焉者也。是時廷臣章疏悉不省。而諸稅監有所奏。朝上夕報。可。所劾無不曲護之。以故諸稅監益驕。所至肆虐。民不聊生。隨地激變。迨帝崩。始用遺詔罷之。而毒痛已遍天下矣。論者謂明之亡。不亡於崇禎。而亡於萬曆云。

萬曆中缺官不補

萬曆末年。怠荒日甚。官缺多不補。舊制給事中五十餘員。御史百餘員。至是六科止四人。而五科印無所屬。十三道祇五人。一人領數職。在外巡案。率不得代。六部堂官僅四五人。都御史數年空署。督撫監司。亦屢缺不補。文武大選急選官。及四方教職。積數千人。以吏兵二科缺。掌印不盡。馮久滯都下。時攀執政輿哀訴。詔獄諸囚。以理刑。無人不決。遣家屬聚號長安門。職業盡弛。上下解體。內閣亦只方從哲一人。從哲請增閣員。帝以一人足辦。不增置。從哲堅卧四十餘日。閣中虛無人。帝慰留再三。又起視事。帝惡言者擾聒。以海宇昇平。官不必備。有意損之。及遼左

軍興又不欲矯前失行之如舊。方從哲傳今案葉向高疏言自閣臣至九卿臺省曹署皆空南都九卿亦止二人天下方面大吏去秋至今未嘗用一人又言今六卿止趙煥一人都御史十年不補。向高傳又孫瑋為戶部尚書時大僚多缺瑋兼署戎政及兵部又都御史自溫純去後八年不置代至外計期近始命瑋以兵部尚書掌左都御史事。瑋傳御史孫居相一人兼攝七差署諸道印。居相傳觀此可見是時廢弛之大概也。

三案

萬曆中鄭貴妃專寵光宗雖為皇長子而儲位未定朝臣多疑貴妃欲立己子福王故請建儲及爭三王並封之議者無慮數十百疏迨光宗既立為太子猶孤危無依故朝臣請福王之國者又數十百疏福王已之國矣四十二年五月四日忽有人持棗木挺入慈慶宮。光宗為太子時所居擊傷門者至前殿為內侍所執皇太子奏聞巡城御史劉廷元訊其人名張差語無倫次狀似瘋癲移刑部郎中胡士相等遂欲以瘋癲具獄提牢主事王之寀密訊其人名張五兒有馬三舅李外父令隨一老公至一大宅亦係老公家教以遇人輒打死之寀錄其語明日刑部又覆訊馬三舅名三道李外父名守才引路老公係龐保大宅老公係劉成保成皆鄭貴妃

宮內奄人也中外籍籍皆疑貴妃弟鄭國泰主謀欲弑太子為福王地帝亦心動貴妃窘自乞哀於皇太子帝御慈寧宮皇太子及三皇孫侍召閣臣方從哲吳道南及朝臣入極言戒父子慈愛以釋羣疑命磔差保成三人無他及羣臣出帝意中變命先戮差及九卿三法司會同司禮監訊保成於文華門保成以無左證遂輾轉不承刑部尚書張問達請移入法司刑訊帝以事連貴妃恐付外益滋口實乃斃保成於內三道守才遠流其事遂止。張問達王之案等傳此挺擊一案也光宗即位甫數日即病痢中官崔文昇進利劑益劇有鴻臚寺官李可灼進藥稱仙丹帝召閣臣方從哲韓爌等入受顧命因問李可灼有藥即傳入診視言病源甚悉帝命速進藥諸臣皆不敢決可灼遂進一丸帝稍覺舒暢諸臣退帝又命進一丸明日天未明帝崩。韓爌傳此紅丸一案也光宗初即位時鄭貴妃尚在乾清宮李選侍為貴妃請封皇太后帝已允太后之封諭司禮監矣時外廷傳言貴妃以美女進帝以致病御史楊漣劾崔文昇用藥無狀并請帝慎起居因及鄭貴妃不宜封太后越三日帝召大臣并及漣數目視漣母聽外間流言遂逐文昇且停太后命漣自以小臣受顧命誓以死報帝崩漣急催閣部大臣同入臨畢閣臣劉一燝問羣奄皇長子何在東宮伴讀王安曰為李選侍所匿耳一燝大呼誰敢匿新天子者安入

白選侍。乃令皇長子出。一燬等即呼萬歲。掖升輦至文華殿。先正太子位。時選侍在乾清宮。一燬謂太子不可與同居。乃奉太子暫居慈慶宮。明日周嘉謨左光斗等疏請令選侍移宮。光斗疏中有武氏語。選侍怒。欲召太子加光斗重譴。漣正色謂諸奄。太子以己為天子。選侍何得召。明日又合疏上。選侍不得已。即日移熾鸞宮。帝乃遂乾清。光斗傳漣此移宮一案也。梃擊自龐保劉成死後。浮議已息。明年之宋為徐紹言劾去。天啟中之宋復官。乃追理前事。上復讐疏。謂梃擊一事。何等大變。乃劉廷元以瘋癲蔽獄。胡士相亦朦朧具詞。實緣外戚鄭國泰私結廷元。謀為大逆耳。此又梃擊一案爭端之始也。光宗崩。閣臣方從哲。票擬賞李可灼銀幣。御史王舜等劾可灼。乃改令可灼引疾歸。已而孫慎行入朝。追劾從哲。謂可灼非太醫。紅丸是何藥。從哲乃敢使進御。從哲應坐弒逆之罪。王紀楊東明鍾羽正蕭近高鄒元標等疏繼之。黃克纘等則為從哲辨。此又紅丸一案爭端之始也。李選侍移宮時。內監李進忠劉朝田詔等盜金寶過乾清門而仆。帝下法司案治。諸奄懼。則揚言帝薄待先朝妃嬪。致選侍移宮。日跣足投井。以搖惑外廷。御史賈繼春遂上安選侍書。黃克纘入其言。亦附和之。帝怒。削繼春籍。已而帝漸忘前事。王安又為魏忠賢排死。劉朝田詔等乃賄忠賢。而上疏辨。於是繼春等起用。倚奄勢。與

楊漣等為難。此又移宮一案爭端之始也。此三案者。本各有其是。梃擊雖不能不致疑於鄭氏。然安知非龐保劉成等之行險倖功。故當時孫承宗已謂事關太子。不可不問。事連貴妃。不可深問。龐保劉成而下。可問。龐保劉成而上。不可問。此亦善為調停之說也。紅丸之案。據韓爌具述。進藥始末。謂可灼進藥時。諸大臣皆在。皆未阻止。而慎行獨責從哲。以弒逆本屬深文。故疏出。舉朝共覺其過。當時以其援引春秋許世子不嘗藥之例。其論自不可沒。至移宮一事。光宗在位日淺。李選侍素無權勢。不比鄭貴妃之在萬厯中。數十年薰灼也。即暫居乾清。亦豈遂能垂簾稱制。特熹宗年尚幼。不可不慮其久而挾制。此楊漣等趣移宮之深意也。既移宮後。自當待以恩禮。乃忽有薄待先朝嬪御之流言。則賈繼春之請安選侍。亦未為過。故倪元璐之論。此三案謂主梃擊者。力護東宮。爭梃擊者。計安神祖。主紅丸者。仗義之詞。爭紅丸者。原情之論。主移宮者。弭變於幾先。爭移宮者。持平於事後。各有其是。不可偏非。此說最得情理之平。乃此三案。遂啟日後無窮之攻擊者。緣萬厯中。無錫顧憲成高攀龍等講學東林書院。為一時儒者之宗。海內士大夫慕之。其後鄒元標馮從吾等。又在京師建首善書院。亦以講學為事。趙南星由考功郎罷歸。名益高。與元標憲成海內擬之三君。其名行聲氣。足以奔走天下。天下

清流之士。羣相應和。遂總目為東林。凡忤東林者。即共指為奸邪。而主梃擊紅丸。移宮者。皆東林也。萬曆末。東林已為齊楚浙三黨所盡。葉向高傳光熹之際。葉向高再相。與劉一燝等同心輔政。復起用東林。及趙南星長吏部。又盡斥攻東林者。於是被斥者。謀報復。盡附魏奄。借其力求勝。向高等相繼去。國漣光斗等。又被誣害。凡南星所斥者。無不拔擢。所推者。無不遭禍。迭勝迭負。三案遂為戰場。倪元璐所謂三案在逆奄未用之先。雖甚水火。不害墳墓。逆奄得志。後逆奄殺人。則借三案牽小求進。則借三案。經此二借。而三案全非矣。

三案俱有故事

光宗在東宮時。有梃擊之變。固出非常。然此亦有故事。萬曆元年正月。有大臣者。為內侍服。入乾清宮被獲。下東廠訊。中官馮保欲緣此害高拱。令家人辛儒。教以為高拱所使行刺者。錦衣都督朱希孝等。會鞫大臣疾呼曰。許我富貴。乃掠治我耶。我何處識高閣老。希孝懼不敢訊。廷臣楊博。萬守禮等。力言於張居正。居正諷馮保。保乃以生漆酒瘡大臣。移送法司處斬。高拱傳是宮禁之變。先已有之。但李希孔疏謂王大臣徒手闖宮門。則非張差之持梃肆擊者可比。究不知有主使否也。紅丸亦有故事。孝宗崩時。中官張瑜等。以誤用藥下獄。楊守隨會訊杖之。守隨傳

御史任惠。又請明正張瑜及劉文泰用藥失宜之罪。惠傳世宗晚年。服方士藥。及崩。法官坐方士王金等子弒父律。高拱傳是用藥致殞。亦有故事。然高拱謂世宗臨御四十五年。抱病經歲。壽考令終。乃謂為王金等所害。誣以不得正終。天下後世視帝為何如主。此又一說也。蓋世宗之服方士藥。誤在平日。故無迹可尋。孝宗光宗之服藥。遽崩。誤在臨時。其迹易見。使崔文昇李可灼之案。閣臣或仿楊守隨杖責之例。則諸臣當亦無異言矣。而反費以銀幣。所以招物議也。至移宮之例。即光宗初登極時。鄭貴妃亦尚在乾清宮。為李選侍請封皇后。選侍亦為貴妃請封皇太后。尚書周嘉謨等。共詰責鄭養性。命貴妃移宮。貴妃即日移慈寧去。是移宮亦已有故事也。第光宗係長君。故鄭貴妃不能不移。熹宗則冲主。選侍或以保護為詞。同處日久。易啟挾制之漸。故漣等早慮之耳。然選侍去而客氏入。卒至與魏闖亂政。蓋國運將傾。固非人所能預料也。

張居正久病百官齋禱之多

明天啟中。魏闖生祠遍天下。人皆知之。而萬曆中。張居正卧病。京朝官建醮禱祀。延及外省。靡然從風。則已開其端。蓋明中葉以後。士大夫趨權附勢。久已相習成風。黠者獻媚。次亦迫於避禍。而不敢獨立崖岸。此亦可以觀風會也。案明史居正

病四閱月不愈。百官並齋醮為祈禱。南都秦晉楚豫諸大吏無不建醮。而明朝小史所載更詳。萬曆十年。居正病久。帝大出金帛。為醫藥資。六部大臣九卿五府公侯伯。俱為設醮。已而翰林科道繼之。部屬中行又繼之。諸雜職又繼之。仲夏赤日中。舍職業而奔走焉。其同鄉門生故吏。有再舉三舉者。司香大僚。執爐日中。當拜表章。則長跪弗起。至有賄道士。數更端以息膝力者。所拜章必書副本。賂其家人。達之相公。或見而頷之。取筆點其一二麗語。自是爭募詞客為之。冀其一啟。願不旬日而南京仿之。山陝楚閩淮漕撫案藩臬。無不醮者。于慎行筆塵。又記建醮時。有朱御史於馬上。首頂香盒詣醮所。已而奉使出都。畿輔官例致牢餼。則大罵曰。爾不知吾為相公齋耶。奈何以肉食餽我。此等情狀。其去魏閣之生祠。亦豈有異耶。

明言路習氣先後不同

明制凡百官布衣。皆得上書言事。鄒緝等傳贊謂太祖開基。廣開言路。中外臣僚建言。不拘職掌。草野微賤。亦得上書。沿及宣英。流風未替。雖升平日久。堂陞深嚴。而縫掖布衣。乃筆掾吏。朝陳封事。夕達帝閣。所以廣聰明。防壅蔽也。各列傳如練事。范濟以諫。或人言事。卿讓以儀衛。司餘丁言事。張昭以前衛吏言事。賀場以布衣老人言事。其有職官員如侍講劉球。諫征麓川。譏切王振。郎中章綸。大理卿廖

將請復沂王儲位。翰林羅倫。劾李賢奪情。舒芬等諫南巡。楊慎等爭。大禮。賈外郎。楊繼盛。歷歷沈鍊等。劾嚴嵩。皆非言官。明史列傳。不可數計。而科道之以言為職者。其責尤專。其權尤重。職官志序。謂御史天子之耳目。凡大臣姦邪。小人構黨者。劾。凡百官狼狽貪冒者。劾。凡上書亂成憲者。劾。遇考察。則同吏部。司黜陟。大獄重囚。會鞫於外朝。則同刑部。大理平讞之。政事得失。軍民利病。皆得直言無隱。又有六科給事中。凡制敕有失。則封駁。至廷議大事。廷推大臣。廷鞫大獄。皆得預此。可見言官之職掌也。然統觀有明一代。建言者。先後風氣亦不同。自洪武以至成化。宏治間。朝廷風氣淳實。建言者多出好惡之公。辨是非之正。不盡以矯激相尚也。如劉球。章綸等。所奏固關國計民生之大。他如天順中。十三道御史繼曉。御史姜洪。曹鼎等。劾大學士萬安。劉吉。而薦王恕。王竑。李秉等。可大用。御史毛宏。以錢太后將別葬。選百官伏哭。文華門卒得附葬。英宗陵之類。張倫等傳贊謂是時。門戶未開。名節自勵。未嘗有承意旨於政府。效博噬於權璫。如未造所為者。故其言雖有當否。而其心則公。上者愛國。次亦愛民。正德嘉靖之間。漸多以意氣用事。如正德中。諫南巡。罰跪午門。杖者百餘人。嘉靖中。議大禮。餘人之類。已張璁。所謂言官徒結黨求勝。內則奴隸公卿。外則草芥司屬。任情恣橫。此固臺諫惡習。然亦有未可概論者。如劉瑾亂政。御史蔣欽。疏劾之。廷杖三十。再劾。又杖三十。越三日。又草疏。燈下聞鬼聲。欽知是先靈勸阻。奮筆曰。業已委身。不得復顧。死即死。此疏不可易也。遂上之。又杖三十。而死。許天錫。劾瑾。知必得

禍乃以尸諫夜擊登聞鼓縊死而以疏預囑家人於身後上之本傳世宗時楊最等既以諫齋醮杖死嚴嵩當國又殺楊繼盛沈鍊等而御史桑喬謝瑜何維相喻時童漢臣陳紹葉經鄒應龍林潤等給事中王鞫孟陳瑄沈良才厲汝選等猶先後疏劾廷杖謫戍至死而不悔俱見各本傳且帝深疾言官以杖戍未足過其言乃長繫以困之如沈束在獄凡十八年傳贊謂主威愈震而士氣不衰可見諸臣雖不免過激而出死力以爭朝廷之得失究不可及也萬曆中張居正攬權久操下如東溼異已者輒斥去之科道皆望風而靡奪情一事疏劾者轉出於翰林部曹翰林吳中行趙用賢員外郎艾穆等而科道曾士楚陳三謨等且交章請留及居正歸葬又請趣其還朝迨居正病科道并為之建醮祈禱此言路之一變也繼以申時行許國王錫爵先後入相務反居正所為以和厚接物於是言路之勢又張張文興丁此呂等即抗章劾閣臣而閣臣與言路遂成水火萬曆末年帝怠於政事章奏一概不省廷臣益務為危言激論以自標異於是部黨角立另成一門戶攻擊之局葉向高傳帝不省章表諸臣既無所見得失化貞一葉朝益樹黨相攻未幾爭奪三才之業黨勢遂成此言路之一變也如熊廷弼王臣各有所袒江東諫謂今日之事非經撫不和乃好惡經撫者不和也非戰守之議不合乃左右經撫者之議者不合也滿朝薦傳亦謂是時遠左盡失國事方殷而廷臣方植黨逞浮高攀龍顧憲成講學東林書院士大夫多附之既而樞擊紅

九移宮三案

紛如聚訟與東林忤者眾共指為邪黨天啟初趙南星等柄政廢斥殆盡及魏忠賢勢盛被斥者咸欲倚之以傾東林於是如蛾赴火如蟻集羶而科道轉為其鷹犬魏忠賢傳周忠建謂汪直劉瑾時言路清明故不久即敗今則確璫反藉言官為報復言官又借權璫為聲勢此言路之一變而風斯下矣諸附者在

崇禎帝登極

閣黨雖盡除而各立門戶互攻爭勝之習則已牢不可破是非蜂起叫喚蹲沓以至于亡袁繼成疏云三十年來徒以三案萬曆血戰不已呂大器等

明末書生誤國

書生徒講文理不揣時勢未有不誤人家國者宋之南渡秦檜主和議以成偏安之局當時議者無不以反顏事仇為檜罪而後之力主恢復者張德遠一出而輒敗韓侂胄再出而又敗卒之仍以和議保疆迨賈似道始求和而旋諱之孟浪用兵遂至亡國謝疊山所以痛惜於兵交數年無一介之使也有明末造亦然外有

我朝之兵

內有流賊之擾南討則慮北北拒則慮南使早與我朝通和得以

全力辦賊尚可掃除。且是時我太宗文皇帝未嘗必欲取中原。崇禎帝亦未嘗不欲與我朝通好。大凌河之役。祖大壽降於我朝。後雖反正。而其子姪已仕於我朝。是宜案以通敵之罪。而帝仍用之。是固欲藉大壽為講和地矣。見印本

迨大兵入牆子嶺。盧象昇入援。楊嗣昌陰主互市策。象昇見帝曰。臣主戰。帝色變。良久曰。款乃外廷議耳。其出與嗣昌議。見盧象昇傳是和議之策。帝已與嗣昌謀之。何塞故事。指與御史林爾友駁之。及陳新甲為兵部尚書。以南北交困。遣使與我朝議和。傅宗龍奏之。大學士謝陞在帝前曰。倘肯議和。和亦可恃。帝遂以和事諭新甲。密圖之。而戒其勿洩。是帝更明知時勢之不可不和矣。言官方士亮倪仁禎朱徽等謁陞。告以上在奉先殿祈籤。和意已決。諸君幸勿多言。士亮等輒羣起劾陞去。見謝陞及傅宗龍傳新甲所遣求和之馬紹愉。以密語報新甲。新甲家人誤發抄。二傳如此。明史則云帝手詔為其家人誤發抄。於是言者大譁。交章劾奏。帝迫於羣議。且惡新甲之彰主過。遂棄新甲於市。新甲傳自是帝不復敢言和。且亦無人能辦和事者。而束手待亡矣。統當日事勢觀之。我太宗既有許和意。崇禎帝亦未嘗不願議和。徒以朝論紛呶。是非蜂起。遂不敢定和。以致國力困極。宗社淪亡。豈非書生紙上空談誤人家國之明驗哉。

案明季書生誤國。不獨議和一事也。如萬元吉疏言。孫傳庭守關中。議者謂不宜輕出。而已有議其逗撓者矣。賊既渡河。諸臣請撤關。益吳三桂兵迎擊。而已有議其感地者矣。及賊勢燎原。羣臣或請南幸。或請皇儲監國南京。皆權宜善策。而已有議其邪妄者矣。即此一疏觀之。可見諸臣不度時勢。徒逞臆見。誤人家國而不顧也。

明代宦官

有明一代宦官之禍。視唐雖稍輕。然至劉瑾魏忠賢。亦不減東漢末造矣。初明祖著令。內官不得與政事。秩不得過四品。永樂中。遣鄭和下西洋。侯顯使西番。馬騏鎮交趾。且以西北諸將多洪武舊人。不能無疑慮。乃設鎮守之官。以中人參之。京師內又設東廠偵事。宦官始進用。宣宗時。中使四出。取花鳥及諸珍異亦多。然袁琦裴可烈等有犯輒誅。故不敢肆。正統以後。則邊方鎮守。京營掌兵。經理倉場。提督營造。珠池銀塘。市舶織造。無處無之。何元朗云。嘉靖中有內官語朱象元云。昔日張先生進朝。我們要打恭。後夏先生言。我們平眼看他。今嚴先生言。與我們拱手始進去。案世宗馭內侍最嚴。四十餘年間。未嘗任以事。故嘉靖中內官最斂戢。然已先後不同如此。何況正德天啟等朝乎。裨史載永樂中。差內官到五府六

部俱離府部官一丈作揖。途遇公侯駙馬皆下馬旁立。今則呼喚府部官如屬吏。公侯駙馬途遇內官反迴避之。且稱以翁父。至大臣則并叩頭跪拜矣。此可見有明一代宦官權勢之大概也。總而論之。明代宦官擅權。自王振始。然則時廷臣附之者。惟王驥、王祐等數人。其他尚不肯俯首。故薛瑄、李時勉皆被誣害。及汪直擅權。附之者漸多。奉使出巡。案御史等。迎拜馬首。巡撫亦戎裝謁路。王越、陳鉞等。結為奧援。然閣臣商輅、劉翊。尚連章劾奏。尚書項中、馬文升等亦薄之。而為所陷。則士大夫之氣猶不盡屈也。至劉瑾則焦芳、劉宇、張綏等。為之腹心。戕賊善類。徵責賄賂。流毒幾遍天下。然瑾惡翰林不屈。而以通鑑纂要。謄寫不謹。譴諸纂修官。可見是時廷臣。尚未靡然從風。且王振、汪直。好延攬名士。振慕薛瑄、陳繼忠之名。持物色之。直慕楊繼忠之名。親往弔之。瑾慕康海之名。因其救李夢陽一言而立出之獄。是亦尚不敢奴隸朝臣也。迨魏忠賢竊權。而三案被劾。察典被謫。諸人欲借其力以傾正人。遂羣起附之。文臣則崔呈秀、田吉、吳瀆、夫李龍、倪文煥、號五虎。武臣則田爾耕、許顯純、孫雲鶴、楊寰、崔應元、號五彪。又尚書周應秋、卿寺曹欽程等。號十狗。又有十孩兒、四十孫之號。自內閣六部。至四方督撫。無非逆黨。駸駸乎可成篡弒之禍矣。明史載太祖制。內官不許讀書識字。宣宗始設內書堂。選小內

侍令大學士陳山教之。遂為定制。用是多通文義。四友齋叢說則謂永樂中已令始以教職入內。遂自宮以進。至司禮監。數傳之後。勢成積重云。然考其致禍之由。亦不盡由於通文義也。王振、汪直、劉瑾。固稍知文墨。魏忠賢則目不識丁。而禍更烈。大概總由於人主童昏。漫不省事。故若輩得以愚弄而竊威權。如憲宗稍能自主。則汪直始雖肆恣。後終一斤不用。武宗之於瑾。亦能擒而戮之。惟英熹二朝。皆以冲齡嗣位。故振忠賢得肆行無忌。然正統之初。三楊當國。振尚心憚之。未敢逞迨三楊相繼歿。而後跋扈不可制。天啟之初。眾正盈朝。忠賢亦未大橫。四年以後。葉向高、趙南星、高攀龍、楊漣、左光斗等相繼去。而後肆其毒痛。計振忠賢之擅權。多不過六七年。少僅三四年。而禍敗已如是。設令正統、天啟之初。二監即大權在握。其禍更有不可勝言者。然則廣樹正人。以端政本。而防亂源。固有天下者之要務哉。

案明代宦官擅權。其富亦駭人聽聞。今見於記載者。王振時每朝覲官來見者。以百金為率。千金者始得醉飽而出。神史類編是時賄賂初開。千金已為厚禮。然振籍沒時。金銀六十餘庫。玉盤百。珊瑚高六七尺者二十餘株。明史振傳則其富已不訾矣。李廣歿後。孝宗得其賂籍。文武大臣。餽黃白米各千百石。帝曰。廣食幾何。乃受米如許。左右曰。隱語耳。黃者金。白者銀也。廣傳則視振已更甚。劉瑾時天下

三司官入覲例索千金。甚至有四五千金者。蘇轍科道出使歸例有重賄給事中周燭勘事歸。淮安知府趙俊許貸千金。既而不與。燭計無所出。至桃源自刎。死。錫傳偶一出使。即需重賂。其他可知也。稗史又記布政使須納二萬金。則更不止四五千金矣。瑾敗後籍沒之數。據王鏊筆記。大玉帶八十束。黃金二百五十萬兩。銀五十萬餘兩。他珍寶無算。計瑾竊柄不過六七年。而所積已如此。其後錢益籍歿時。黃金十餘萬。而白金三千箱。玉帶二千五百束。傳亦幾及瑾之半。至魏忠賢竊柄。史雖不載其籍歿之數。然其權勝於瑾。則其富更勝於瑾可知也。顧納賄亦不必奄寺。凡勢之所在。利即隨之。如錢益敗後。江彬以武臣得幸。籍歿時黃金七十櫃。白金二千三百櫃。傳非宦官也。世宗時。宦官無擅權者。而嚴嵩為相二十年。明史所記籍歿之數。黃金三萬餘兩。白金二百萬餘兩。他珍寶不可數計。此已屬可駭。而稗史所載。嚴世蕃與其妻害金於地。每百萬為一窖。凡十數窖。曰不可不使老人見之。及嵩至。亦大駭。以多藏厚亡為慮。則史得所載尚非實數。今案沈鍊劾嵩。謂其攬御史之權。雖州縣小吏亦以貨取索。撫案之歲例。致有司遞相承奉。而民財日削。楊繼盛劾嵩。謂文武遷擢不論可否。但問賄之多寡。將弁賄嵩。不得不脫削士卒。有司賄嵩。不得不培克百姓。

徐學詩劾嵩。謂都城有警。嵩密運財南還。大車數十乘。樓船十餘艘。王宗茂劾嵩。謂文武以賂而出其門。則必剝民之財。武將以賂而出其門。則必剋軍之餉。陛下帑藏不足。支諸邊一年之費。而嵩所積可支數年。與其開賣官爵之令。何如籍其家以紓患。周冕劾嵩。謂邊臣失事。納賂於嵩。無功可受。賞有罪可不誅。文武大臣之贈諡。遲速予奪。一視賂之厚薄。張紳劾嵩。謂文武將吏。率由賄進。戶部發邊餉。朝出度支之門。暮入奸嵩之府。輸邊者四。餽嵩者六。邊鎮使人伺嵩門下。未饋其父。先饋其子。未饋其子。先饋家人。家人嚴年。已踰數十萬。董傳策劾嵩。謂邊軍歲餉數百萬。半入嵩家。吏兵二部持簿就嵩填註。文選郎萬宗。職方郎方祥。人稱為文武管家。嵩皆多水陸舟車。載還其鄉。月無虛日。鄉應龍劾嵩。謂嵩籍本袁州。乃廣置良田美宅於南京揚州。無慮數十所。合諸疏觀之。可見嵩之納賄。實自古權奸所未有。其後陳演罷相。以貨多不能行。國變後為闖賊所得。亦皆非宦官也。是可知賄隨權集。權在宦官。則賄亦在宦官。權在大臣。則賄亦在大臣。此權門賄賂之往鑒言。

魏閣生祠

魏忠賢生祠之建。始於浙撫潘汝楨。汝楨因機戶之請。建祠西湖。疏聞於朝。詔

賜名普德。此天啟六年六月事也。自是諸方效尤。遂遍天下。其年十月。孝陵衛指揮李之才。建之南京。七年正月。宣大總督張樸。宣府巡撫秦士文。宣大巡案張素養。建之宣府。大同。應天巡撫毛一鷺。巡案王珙。建之虎邱。二月。薊遼總督閻鳴泰。順天巡撫劉詔。巡案倪文煥。建之景忠山。宣大總督樸。大同巡撫王點。巡案養素。又建之大同。三月。鳴泰與文煥。巡案御史梁夢環。又建之西協密雲。丁髻山。又建之昌平。通州。太僕寺卿何宗聖。建之房山。四月。鳴泰與巡撫袁崇煥。又建之靈前。鳴泰共建之。所宣大總督樸。山西巡撫曹爾禎。巡案劉宏光。又建之五臺山。唐吉士李若琳。建之蕃育署。工部郎中曾國禎。建之盧溝橋。五月。通政司經歷孫如冽。順天府尹李春茂。建之宣武門外。巡撫朱童蒙。建之延綏。巡城御史黃憲卿。王大年。汪若極。張樞。智鉅等。建之順天。戶部主事張化愚。建之崇文門。武清侯李誠銘。建之藥王廟。保定侯梁世勳。建之五軍營。大教場。登萊巡撫李嵩。山東巡撫李靖白。建之蓬萊閣。寧海縣督餉黃書黃運泰。保定巡撫張鳳翼。提督學政李蕃。順天巡案文煥。建之河間。天津。河南巡撫郭增光。巡案鮑奇護。建之開封。上林監丞張永祚。建之良牧嘉蔬林衡三署。博平侯郭振明等。建之都督府錦衣衛。六月。漕尚書郭尚友。建之淮安。是月。順天巡案盧成欽。山東巡案黃憲卿。順天巡案卓邁。七月。

長蘆巡鹽龔萃肅。淮揚巡鹽許其孝。應天巡案宋禎。漢陝西巡案莊謙。各建之所部。八月。總河李從心。總漕尚友。東撫精白。巡案憲卿。巡漕何可及。又建之濟寧。湖撫姚宗文。鄖陽撫治梁應澤。湖廣巡案溫臯謨。建之武昌。承天。均州。三邊總督史永安。陝撫胡廷晏。巡案莊謙。袁鯨。建之固原。太白山。楚王華奎。建之高觀山。山西巡撫弁志夔。巡案李燦然。劉宏先。建之河東。每一祠之費。多者數十萬。少者數萬。剝民財。侵公帑。伐樹木。無算。開封之建祠。毀民舍二千餘間。創宮殿九楹。儀如帝者。參政周鏘。祥符縣季寓庸。恣為之。巡撫俯首而已。鏘與魏良卿善。祠成。熹宗已崩。猶致書良卿。為忠賢設。金像。而都城數十里間。祠宇相望。有建之內城東街者。工部郎葉憲祖。竊嘆忠賢。聞之。立削其籍。上林一苑。至建四祠。童蒙建祠。延綏用琉璃瓦。詔建祠。薊州。金像。用冕旒。凡疏詞。一如頌聖。稱以堯天舜德。至聖至神。而閣臣輒以駢語褒答。運泰迎忠賢像。五拜三稽首。率文武將吏。列班階下。拜如初。已。又詣像前。祝稱某事。賴九千歲。扶植稽首謝。遂就班。復稽首如初。禮運泰請以遊擊一人守祠。後建祠者。必有官守。其孝等方建祠上梁。而熹宗哀詔至。既哭。臨釋服。易吉拜。監生陸萬齡。至謂孔子作春秋。忠賢作要典。孔子誅少正卯。忠賢誅東林黨人。宜建祠國學。與先聖並尊。並以忠賢父配。啟聖公祠。司業朱之俊。輒

為舉行。最後巡撫楊邦憲建祠南昌。毀周程朱三賢祠。益其地。鸞澹臺滅明祠。曳其像碎之。比疏至。莊烈帝已即位。且閱且笑。後建祠者皆入逆案云。閩鳴泰傳

閩黨

崇禎時定逆案。凡附魏忠賢者分五六等。首逆凌遲者二人。忠賢及客氏也。首逆同謀。決不待時者六人。崔呈秀。魏良卿。客氏子都督侯國興。太監李文貞。李朝欽。劉若愚也。交結近侍。秋後處決者十九人。劉志選。梁夢環。倪文煥。田吉。劉詔。薛貞。吳滔。夫李夔。龍曹欽。程許志。吉孫如。列陸萬齡。李承祚。田爾耕。許顯純。崔應元。楊寰。孫雲鶴。張體乾也。結交近侍。次等充軍者十一人。魏廣微。周應秋。閻鳴泰。霍維華。徐大化。潘汝楨。李魯生。楊維垣。張訥。郭欽。李之才也。又次等論徒三年。贖為民者。大學士顧秉謙。馮銓。張瑞。圖來宗。道尚書王紹徽。郭允寬。張我續。曹爾禎。孟紹虞。馮嘉會。李春。晏邵輔。忠。呂純如。徐兆魁。薛鳳翔。孫杰。楊夢袁。李養德。劉廷元。曹思誠。南京尚書范濟世。張樸。總督尚書黃運泰。郭尚友。李從心。巡撫尚書李精白等一百二十九人也。減等革職閒住者。大學士黃立極等四十四人。忠賢本族及內官黨附者。又五十餘人。案既定。其黨日夜謀翻。賴帝持之堅。不能動。福王時。阮大鈞起用。其案始翻云。崔呈秀傳福王時。楊維垣翻逆案。追賜卹典者。霍維華。劉廷元。

呂純如。楊所修。徐紹吉。徐景濂。六人。贈蔭祭葬。諡俱全也。贈蔭祭葬。不予諡者。徐大化。范濟世。二人。贈官祭葬者。徐揚先。劉廷宣。岳駿聲。三人。復官不賜卹者。王紹徽。徐兆魁。喬應甲。三人。他若王德完。黃克纘。王永光。章光岳。徐鼎臣。徐卿。伯陸澄源。雖不入逆案。而為清議所抑者。亦賜卹有差。霍維華傳

廿二史劄記卷三十五終

廿二史劄記卷三十六

陽海趙翼撰

汪文言之獄

歙人汪文言。有智術。負使氣入京。輸貲為監生。用計破齊楚浙三黨。察東宮伴讀。王安賢傾心結納。與談崇世流品。光熹之際。外廷依劉一燝而安居中。以次行諸善政。文言交關力為多。魏忠賢既殺安。府丞邵輔忠遂劾文言。革其監生。既出都。復逮下吏。得末減。益游公卿間。輿馬常填溢戶外。大學士葉向高用為內閣中書。韓爌趙南星楊漣左光斗魏大中皆與往來。會給事中阮大鍼與左光斗魏大中有隙。遂與給事中章允儒定計。囑同官傅概劾文言。并劾大中。通文言為奸利。魏忠賢大喜。立下文言詔獄。御史黃尊素語鎮撫劉僑曰。文言不足惜。不可使縉紳禍由此起。僑是之。獄詞無所連。文言廷杖褫職。牽及者獲免。已而魏忠賢勢益張。盡逐諸正人。趙南星等。梁夢環遂再劾文言。下詔獄。鎮撫許顯純自削牘以上。趙南星。楊漣。左光斗。魏大中。李若星。毛士龍。袁化中。繆昌期。鄭維蓮。夏之令。王之采。顧大章。周朝瑞。李三才。惠世揚等。無不牽引。而以漣光斗大中化中朝瑞大章為受楊鎬熊廷弼賄。時顯純逼令文言牽引諸人。文言五毒備至。終不承。顯純乃手

作文言供狀。文言垂死大呼曰：爾莫妄書。異時吾當與爾面質。顯純遂即日斃之。於獄中傳。

時坐受贓者。大中三千金。周朝瑞萬金。袁化中六千。顧大章四萬。周起元懸坐十萬。繆昌期三千。周順昌三千。周宗建萬三千。黃尊素二千八百。李應昇三千。熊明遇千二百。而趙南星亦以汪文言獄詞懸坐贓萬五千。楊漣二萬。左光斗二萬。光斗等之被誣受賄也。初不肯承。而恐為酷刑所斃。冀下法司得少緩。遂俱自誣服。忠賢乃矯旨五日一比。不下法司。諸人始悔失計。見各本傳。

明末遼餉勦餉練餉

嘉靖中以俺答入寇。戶部侍郎孫應奎已議加派。自北方諸府及廣西貴州外。增銀一百十五萬。劉劬傳。萬曆末年。遼左用兵。又加賦五百二十萬。楊嗣昌傳。崇禎二年。又以兵餉不足。兵部尚書梁廷棟請增天下田賦。於是戶部尚書畢自嚴議於每畝加九釐之外。此即萬曆中所加。再增三釐。梁廷棟傳。十年。楊嗣昌又請增二百八十萬。舊額之糧。每畝加六合。計石折銀八錢。帝乃下詔。不集兵無以平賊。不增賦無以餉兵。其累吾民一年。當時謂之勦餉。勦餉期一年而止。十二年餉盡而賊未平。於是又從嗣昌及督餉侍郎張伯鯨議。勦餉外。又增練餉七百三十萬。先後共增千六

百七十餘萬。嗣昌傳。十五年。將德璟對帝曰：既有舊餉五百餘萬。新餉九百餘萬。又增練餉七百三十萬。臣部費難辭。答。今兵馬仍未練。徒為民累耳。德璟傳。未幾遂罷練餉。德璟傳。蓋帝亦知民窮財盡。困於催科。益起而為盜賊。故罷之也。

明末督撫之多

明中葉以後。陝西已有三巡撫。陝西一也。延綏二也。甘肅三也。山西亦有二巡撫。山西一也。大同二也。直隸之宣化亦另設一撫。至崇禎十四年。山海關內外設二督。昌平保定又設二督。於是千里之內有四督。又有寧遠。永平。順天。密雲。天津。保定。六巡撫。寧遠。山海。中協。西協。昌平。通州。天津。保定。八總兵。星羅密布。無地不防。見范志。時事孔急。固勢之不得不然也。

明末巡撫多由邊道擢用

宣德中。于謙由御史超拜兵部右侍郎。巡撫河南山西。此尚沿國初用人。不拘資格之例。迨資格既定。則巡撫或用僉都御史。或由布政使陞用。至末季兵事急。凡邊道以才見者。輒擢為巡撫。熊汝霖疏云。有司察處者。不得濫舉邊才。監司察處者。不得遽躡巡撫。曹于汭疏亦云。邊道超擢。當於秩滿時。閱實其績。毋濫取建牙開府。熊開元疏亦云。四方督撫。率自監司。明日廷推。今日傳單。吏部出諸袖中。諸

臣唯唯而已。此三疏各見本傳內。可見是時巡撫多由監司擢用也。今按洪承疇由督糧參政擢延綏巡撫。范志完由關內僉事擢山西巡撫。楊嗣昌由山海兵備擢永平巡撫。梁廷棟由口北道擢遼東巡撫。薛國用由遼海道擢遼東巡撫。邱民仰由宣前兵備擢遼東巡撫。宋一鶴由副使擢湖廣巡撫。馮師孔由副使擢陝西巡撫。朱之馮由副使擢宣府巡撫。龍文光由參政擢四川巡撫。李化熙由兵備擢四川巡撫。邱祖德由副使擢保定巡撫。史可法由副使擢安慶巡撫。甚至余應桂由巡按擢湖廣巡撫。高名衡由巡按擢河南巡撫。王漢由知縣行取御史。即擢河南巡撫。楊繩武亦由御史擢順天巡撫。迨嗣昌為兵部尚書。建四正六隅之策。奏巡撫不用命者。立解其兵柄。以一監司代之。可見是時用巡撫之大概也。蓋兵事孔亟。倉猝用人。固有難拘以資格者矣。

明季遼左陣亡諸將之多

明史羅一貫傳。自遼左軍興。總兵官陣亡者十四人。撫順則張承蔭。四路出師則杜松。劉綎。王宣。趙夢麟。開原則馬林。瀋陽則賀世廷。尤世功。渾河則童仲揆。陳策。遼陽則楊宗業。梁仲善。西平則劉渠。祁秉忠。而副總兵以下戰歿如一貫者。更不可數計云。然此尚是萬曆天啟間事也。崇禎中。遵化則趙率。教。波羅灣則官維賢。永定門則滿桂。孫祖壽。皆崇禎二年旅順則黃龍。六年皮島則沈世魁。七年金日觀。十年寧遠則金國鳳。十二年松山則楊國柱。十四年曹變蛟。十五年寧遠則李輔明。螺山則張登科。和應薦。十五年其他副將以下。亦不可數計。且不特此也。如盧象昇。洪承疇。勦流賊最有功。而一遇大清兵。非死即被執。蓋興朝之運所向。如摧枯拉朽。彼亡國之帥。自必當之立碎。明史所謂天命有歸。莫之為而為者矣。

明末督撫誅戮之多

鄭崇儉傳。崇禎中。凡誅總督七人。崇儉及袁崇煥。劉策。楊一鵬。熊文燦。范志完。趙光忭也。崇禎二年。王元雅以大清兵入口。懼罪自盡。是年先誅萬曆中四路喪棟。以失事懼誅。先服毒死。顏繼祖傳。崇禎中。巡撫被戮者十一人。薊鎮王應多。山西耿如杞。宣府李養沖。登萊孫元化。大同張翼明。順天陳祖苞。保定張其中。山東顏繼祖。四川邵捷春。永平馬成名。順天潘永圖。而河南李仙風。被逮自縊。不與焉。又崇禎十七年中。兵部尚書凡十四人。亦罕有善全者。二年。王洽下獄死。九年。張鳳翼服毒死。十三年。楊嗣昌自縊死。十四年。陳新甲棄市。其餘如王在晉。削籍歸。高第被劾去。其得致仕者。惟張鶴鳴。熊明遇。馮元飈等數人而已。時事周章。人材脆薄。刑章又顛覆。固國運使然矣。

四正六隅

韓雍征兩廣叛徭。或請以番騎趨廣東。而大軍趨廣西。分路撲滅。雍曰。賊已蔓延數千里。而所至與戰。是自做也。不如直搗大藤峽。傾其巢穴。餘自迎刃而解。後果以此成功。及崇禎中。流賊充斥。楊嗣昌則建四正六隅之說。以陝西河南湖廣江此為四正。四巡撫分勦。而專防。延綏山西山東江南江西四川為六隅。六巡撫分防。而協勦。是謂十面之網。而總督總理二臣。隨賊所向。專征討。其後竟不能滅賊。或咎其備多力分。不如雍之扼要。不知徭獍雖四出流劫。而終戀巢穴。故雍專攻其腹心。即可制之。流賊則朝秦暮楚。本無定居。若不四圍堵截。而聽其東西奔突。官軍從後追之。此適以自耗其力。而賊終不得滅。嗣昌之策。固未為失也。其先崇禎七年。陳奇瑜以賊在蜀中。亦先檄四巡撫會勦。陝西練國事駐商南。過其西北。鄭陽。盧象昇駐房竹。過其西。河南元默駐盧氏。過其東北。湖廣唐暉駐南漳。過其東南。而已與象昇入山。勦之。崇禎九年。賊盡趨永寧。盧氏內鄉。浙川大山中。兵部尚書張鳳翼亦請救河南。勦陽陝西三巡撫。各扼防。毋使軼出。四川湖廣兩巡撫移兵近界聽援。而督理二臣。以大軍入山。蹙之。是嗣昌之前。已有此策。亦非躬自嗣昌。蓋必外有重兵以防其軼出。而內以重兵蹙之。庶可盡殄。此固時勢之不得不然者也。自奇瑜及熊文燦兩誤於撫。而流寇遂不可制。然徒勦而不撫。則數十萬匪徒。亦豈能盡殺。是又當痛加殲戮。使畏死悔禍。而後以一赦散其脅從。歸農者。不復窮治。則黨與自離。賊勢孤而易滅矣。赦與撫不同。撫者。撫其頭目而不散其部伍。赦者。赦其黨與而不復屬凶酋也。顧非先加痛勦。亦豈易言赦哉。

明末僭號者多疎屬

明末自福王失國後。諸僭號者。多係疎屬。魯王以海。則太祖子魯王檀之裔孫也。崇禎末。轉徙台州。張國維等奉之監國于紹興。後遁入海。泊舟山。又竄閩之金門。為鄭成功所沈。唐王聿鍵。亦太祖子定王桂之裔孫也。崇禎末。以擅舉兵。勤王廢錮高牆。福王立。赦出南都。都不守。蘇觀生鄭鴻遠奉之入閩。監國。年號隆武。為我朝兵所執。其弟聿錕。復立於廣州。年號紹武。亦為我朝兵所執。又唐王監國時。先有靖江王亨嘉。自立於廣西。則太祖從孫守謙之子。正之裔孫也。為巡撫瞿式耜所誅。又有朱容藩。自稱楚世子。天下兵馬副元帥。據夔州。器傳。范文光劉道貞等。奉鎮國將軍朱平權為蜀王。未幾皆敗沒。統計此數人。於崇禎帝已極疎遠。本不宜僭號。而妄冀非分。宜其速敗也。至水明王由榔。則神宗第七子桂王常瀛之子。與福王同為崇禎帝從兄弟。崇禎帝曾封為水明王。唐王被俘後。僭號永

麻流轉於廣西湖南貴州雲南者十餘年。後遁入緬甸。我朝兵入緬。緬人執以獻。死於雲南。

流賊偽官號

明史流賊傳。李自成既據襄陽。勅官爵名號。有上相左輔右弼。六政府侍郎。中從事等官。要地設防禦使。府曰尹。州曰牧。縣曰令。武官則有權將軍。制將軍。威武將軍。果毅將軍等名。及至陝西。稱偽號。又設天佑殿大學士。六政府尚書。鴻文館文諭院。諫議直指使。從政統會。尚契司。驗馬寺。書寫房等官。復五等封爵。後破京師。又益改官制。六部曰六政府。司官曰從事。六科曰諫議。十三道曰直指使。翰林曰宏文館。太僕曰驗馬寺。巡撫曰節度使。兵備曰防禦使。今按路振飛傳。有閩賊節度使呂弼周。防禦使武懷。皆為振飛所擒。又曹亨應傳。亨應先為御史張懋爵所劾。後亨應死難。而懋爵降賊。為直指使。此偽官名號。見於各列傳者也。張獻忠僭號武昌。亦設尚書都督。巡撫等官。既得成都。又設左右丞相。及六部五軍都督府。亦見流賊傳後孫可望據黔中。凡諸軍悉曰行營。設護衛曰駕前官。可望欲設六部借。乃以范鏞馬兆義任。僕萬年策為吏戶禮兵尚書。並加以行營之號。後遂自設內閣六部等官。欲以文安之為東閣大學士。安之不肯。事見安之傳。李定國出師桂林。有西勝營張勝。鐵騎右營郭有名。前軍都督高存恩。鐵騎前營王會。

武安營陳國能。天威營高文貴。坐營靳統武。右統軍都督王之邦。金吾營劉之謀。武英營廖魚。驃騎營卜靈等。見黃宗義所著永曆紀年鄭成功之橫海上也。分所部為七十二鎮。有中軍提督甘輝。左都督文興。鐵騎鎮王起鳳。衝鋒鎮柯朋。禮武鎮陳鳳。前衝鎮黃梧。角宿鎮康澄。援勦左鎮施顯之。理餉鎮王愷。又有金武木武土武等鎮。又設六官。分理庶事。舉人潘賡昌為吏戶官。陳寶鑰為禮官。世職張光啟為兵官。浙人程應璠為刑官。舉人馮澄世為工官。後以洪旭為兵官。鄭泰為戶官。其寇瓜洲鎮江時。中提督甘輝外。又有左提督翁天佑。右提督禹信。後提督萬禮。總督水師黃安。前鋒鎮余新。正兵鎮韓英。援勦左鎮劉猷。援勦右鎮楊國泰。援勦後鎮黃昭。前衝鋒鎮藍衍。右衝鋒鎮萬祿。後勁鎮楊正。右虎衛陳鵬。左虎衛林勝。監紀推官何平等。鄭經時尚有二十八鎮。如征北將軍吳淑。平北將軍何祐。侍衛馮錫範。左武衛劉國軒。右武衛薛進思。左虎衛許權。左都督趙得勝。宣毅前鎮江勝。宣毅後鎮陳諒。建威後鎮朱友。援勦左鎮金漢。臣樓船中鎮蕭琛。樓船左鎮朱天貴。吏官洪石。禮官柯平。兵官陳繩武等。見野史。鄭成功傳草竊奸宄。橫行一時。岷負自雄。設官建職。適以自速其斃也。永明王奔安龍。孫可望使一知府給其糧。冊開皇帝一名。皇后一口。李自成死。其兄子錦。奉自成妻高氏降於唐王。猶稱自成為先帝。高氏為

太后。

明從賊官六等定罪

解學龍傳。福王時定從賊官罪。倣唐六等。其一等應磔者。吏部員外宋企郊。舉人牛金星。平陽知府張嶙然。太僕少卿曹欽程。御史李振聲。喻上猷。山西提學參議黎志陞。陝西左布政使陸之祺。兵科給事高翔漢。潼關道僉事楊王休。翰林院檢討劉世芳。十一人也。二等應斬。緩決者。刑科給事光時亨。河南提學鞏煊。庶吉士周鍾。兵部主事方允昌。四人也。三等應絞。擬贖者。翰林修撰兼給事中陳名。夏戶科給事楊枝起。廖國遴。襄陽知府王承曾。天津兵備副使原毓宗。庶吉士何孕光。少詹事項煜。七人也。四等應戍。擬贖者。主事王孫蕙。檢討梁兆陽。大理寺正錢位坤。總督侯恂。副使王秉鑑。御史陳羽白。裴希度。張懋爵。郎中劉大鞏。員外郭萬象。給事中申芝芳。金汝礪。舉人吳達。修撰楊廷鑑。及黃繼祖。十五人也。五等應徒。擬贖者。通政司參議宋學顯。諭德方拱乾。主事繆沅。給事中呂兆龍。傅振鐸。進士吳剛思。檢討方以智。傅鼎銓。庶吉士張家玉。沈元龍。十人也。六等應杖。贖者。員外潘同春。吳泰來。主事張琦。行人王于曜。知縣周壽明。進士徐家麟。向列星。李桐。八人也。其留北俟再定者。少詹事何瑞。徵楊現先。少卿張若麒。副使方大猷。侍郎黨崇

雅。熊文舉。太僕卿葉初春。給事中龔鼎孳。戴明詵。孫承澤。劉昌。御史涂必泓。張鳴駿。司業薛所蘊。通政參議趙京仕。編修高爾儼。郎中衛周祚。黃紀孫。襄十九人也。其另存再議者。給事中翁元益。郭允庶。吉士魯舉。吳爾璉。後同史可法。史可程。即法之弟。後居宜興。四十年而卒。王自超。白孕謙。梁清標。楊棲鶴。張元琳。呂崇烈。李化麟。朱積。趙頰。劉廷琮。郎中侯佐。吳之琦。員外郎左懋泰。鄒明魁。行人許作梅。進士胡顯。太常博士龔懋熙。王之收。王臯。梅鶚。姬琨。朱國壽。吳嵩。孕。二十八人也。其已奉旨錄用者。尚書張縉。彥。給事中時敏。諭德衛允文。韓四維。御史蘇京。知縣黃國琦。施鳳儀。郎中張振聲。中書顧大成。姜奎林。十人也。有旨周鍾等不當緩決。陳名夏等未蔽厥辜。侯恂。宋學顯。吳剛思。方以智。潘同春。擬畢未合。新榜進士。盡污偽命。不當復玷班聯。令再議。後又議周鍾。光時亨等。各加一等。時馬阮專柄。殺鍾時亨。即傳旨二等罪斬者。調充雲南。金齒軍三等者。充廣西。邊衛軍四等以下。俱為民水。不叙用。然案內諸犯多漏網。一等者皆隨賊西行。實未嘗正法也。

案福王時所定六等。蓋就一時聞見。草率成案。其實尚多遺漏者。李自成入京時。閣臣魏藻德等。率百官表賀。坐殿前候命。為羣賊所戲侮。事見明史列傳。而六等中無之。他如大學士李建泰。尚書張圻。侍郎劉餘祐。光祿卿李元鼎。庶

吉士張端明以及御史傅景星為賊兵政府侍郎陝西監軍道陳之龍為賊盜
夏節度使御史柳寅東張懋爵俱為賊直指使此皆文臣之降賊者錦衣衛左
都督駱養性降賊仍原官宣化總兵姜瓖密雲總兵唐通皆降賊於居庸蓋寇
將軍白廣恩降賊封桃源伯副將南一魁董學禮降賊為總兵此武臣之降賊
者事見我朝二臣傳而六等中亦皆無之可見所定之案之疎略也就所定
中一等者固隨賊西去二等中亦祇周鍾光時亨二人正法其他仍漏網三等
中如陳名夏入我朝官至大學士兼吏部尚書可見六等之案固不過懸擬
罪名實未嘗能行法其留北俟再定者入本朝轉多有至大官梁清標黨崇
雅衛周祚高爾儼皆至大學士劉昌業鼎鑾皆至尚書孫承澤至左都御史薛
所蘊熊文舉葉初春皆至侍郎戴明說張若麟皆至京卿方大猷至巡撫諸人
在福王時既以傳聞未確得免麗名於六等之內入本朝官位通顯又莫有
記其曾污偽命者

皇上命詞臣以明臣之仕於我朝者編作二臣傳其中有降賊者據事直書然
後失節之處昭然莫掩此真彰瘴之大公可以立萬世之大閑矣
時蘇州諸生擬計其鄉官從賊者奸民和之少登事項煜大理寺正錢位坤通

政司參議宋學顯員外湯有慶之家皆被焚劫常熟又焚給事中時敏家燬其
三代四棺祁彪佳傳

明代先後流賊

盜賊蜂起至覆國家漢則張角等魏則葛榮等隋則程讓等正史皆未有專傳唐
書則立黃巢傳而入於逆臣中然巢初未為臣也明史以李自成張獻忠另立流
賊傳最為允當然祇傳此二人而永樂以後伺間竊發者不備載但附見於諸臣
列傳中今特摘出以便觀覽其他土司之叛服不常及苗犛之據巢穴為梗者不
贅及

唐賽兒

永樂十九年蒲臺林三妻唐賽兒作自言得石函中寶書神劍役鬼神剪紙作
人馬相戰鬪徒眾數千襲據益都却石寨指揮高鳳捕之敗殺勢遂熾其黨童彥
昇等攻下莒即墨圍安邱總兵官柳升率劉忠圍賽兒賽兒夜劫官軍驚潰忠戰
死賽兒逃去攻安邱益急知縣張棟等死守不能下合營即墨萬餘賊來攻都指
揮衛青備倭海上聞之率千騎馳至大破賊城中亦鼓噪出殺賊二千擒四千餘
悉斬之餘賊奔散時城中旦夕不支青救稍遲城必陷矣賽兒竟不獲傳

劉千斤

成化中荆襄賊劉千斤作亂千斤名通河南西華人縣門石拔視重千斤通隻手舉之因以為號時流民聚荆襄者通以妖言煽之謀作亂石龍者號石和尚聚眾剽掠與通共起兵偽稱漢王建元德勝朝命尚書白圭提督軍務率朱永喜信鮑政等討之至南漳敗賊乘勝逼其巢通奔壽陽又退保大市官軍又敗之斬其子聰賊退據後巖諸軍四面攻之遂擒通及其眾三千五百人獲子女萬一千有奇石龍與劉長子逸去擾四川圭分兵蹙之劉長子縛龍以降餘寇悉平白圭傳

李鬍子

主既平劉通荆襄間流民仍屯結通黨李鬍子名原偽稱平王與小王洪王彪等掠南漳房縣內鄉流民附之至百萬總督項忠討之先遣人入山招諭流民歸者四十萬彪亦就擒賊仍伏山若出擊忠又遣李振等擊之擒李原小王洪等又招流民五十餘萬安插著籍項忠傳

葉宗留等

正統中慶元人葉宗留與麗水陳鑑胡聚眾盜福建寶豐縣銀礦羣盜自相殺遂作亂福建參議竺淵往捕被執死宗留僭稱王福建鄧茂七亦聚眾反宗留鑑胡附之粟泐江江西福建境參議耿定命事王晟及都督陳榮劉真吳剛等前後敗沒遂昌賊蘇牙俞伯通又與相應朝命張驥為浙江巡撫討之驥遣官擊斬牙等而鑑胡方以忿爭殺宗留自稱大玉國號太平建元泰定分掠浙東未幾茂七死鑑胡勢孤驥招之遂降別賊蘇記眷等亦為官軍所獲張驥傳

鄧茂七

福建沙縣人鄧茂七為甲長以氣役屬鄉民其俗佃人輸租外例餽田主茂七倡其黨無餽而要田主自往受粟田主訴於縣縣下巡檢捕之茂七殺弓兵數人上官聞遣官軍三百人往捕盡被殺巡檢亦死茂七遂大掠自稱剡平王設官屬聚黨數萬人陷二十餘州縣指揮范真彭璽等先後被殺會左布政使安南人阮勤貪濁漁民民益從亂巡撫汪澄檄浙江江西會討尋以賊議降檄止其兵賊益熾茂七圍延平朝命御史丁瑄往招討都督劉聚僉都張楷大軍繼其後瑄誘賊再攻延平督眾擊敗之遂斬茂七丁瑄傳

李添保

天順中麻城人李添保以通賊逃入苗中偽稱唐太宗後聚眾萬餘僭稱王建元武烈掠遠近總兵官李震大破之添保逃入貴州復誘羣苗出掠震擒之震傳

黃蕭養

天順末廣東賊黃蕭養作亂圍廣州楊信民先官廣東有惠政至是以巡撫至使人持諭入賊營招之蕭養素服信民克日請見信民單車莅之賊望見曰果揚公也爭羅拜願降而信民尋即病卒會朝命都督董興來討蕭養等懼遂不降興調江西兩廣兵侍即孟鑑贊理軍務興用天文生馮軾隨行景泰元年春至廣州賊舟千餘艘勢甚熾而徵兵未盡集諸將請濟師軾曰廣州被圍久矣即以現兵往擊猶拉朽耳興從之進至大洲擊賊殺溺死者無算餘多就撫蕭養中流矢死俘其父及黨與皆伏誅信民及興傳

劉六劉七齊彥名趙瘋子

正德中文安人劉六名寵其弟七名宸並驍悍有司患盜召寵宸及其黨楊虎齊彥名等捕盜有功劉瑾家人索賄不得遂誣為盜遣甯杲柳尚捕之寵等乃投大盜張茂家茂與宦官張忠為隣茂結之時河間參將袁彪捕茂茂窘求救於忠忠置酒招茂彪宴以茂囑彪遂不敢捕寵等自首尋復叛去陷城殺將朝命馬中錫提督軍務與張偉等討之諸將懦或反與賊結參將桑玉遇賊村中寵宸窘匿民家而玉受賂故緩之有頃齊彥名持大刀至殺傷數十人大呼入寵宸知救至

出殺數人遂復熾自畿輔犯山東河南下湖廣抵江西又自南而北直窺霸州楊虎等由北河入山西復至文安與寵等合縱橫數千里所過如無人中錫偉不能禦乃下招降令中錫肩輿入其營寵請降宸曰今奄臣柄國馬都堂能自主乎遂罷去焚掠如故朝議乃遣侍郎陸完出督師調邊將邵永許泰等率邊兵入勦敗賊於霸州於信安阜城劉六七乃南陷山東二十州縣楊虎又北殘威縣新河劉六等縱橫沂莒間連陷宿遷虹水城等處邊兵追及至小黃河渡口虎溺死餘賊奔河南推劉惠為首敗總兵白玉軍殺指揮王保勢大熾有陳翰者奉惠為奉天征討大元帥趙燧副之翰自為侍謀軍國重務元帥府長史與甯龍立東西二廠治事分其軍為二十八營以應二十八宿營各置都督趙燧者文安諸生號趙風子挈家避賊賊得之欲淫其妻女燧怒手擊殺數人賊以其勇遂奉之燧戒毋淫掠毋妄殺移檄府縣官吏師儒毋走避迎者安堵由是橫行中原勢出劉六等上連臨鹿邑上蔡西平遂平舞陽葉縣縱掠南頓新蔡商水襄城至鈞州以馬文升家在捨之去攻泌陽燬焦芳家東草為芳像斬之副總兵馮禎時源擊賊賊奔入西平城官軍塞其門焚死千餘人餘賊潰而西巡撫鄧璋等朝崇玉宴飲三日賊得招散亡勢復振陷鄖陵荊陽汜水圍河南府三日官軍始集賊覘官軍饑疲

乃來犯。禎戰死。此燧等之亂河南也。劉六七及彥名則擾山東。畿輔亦陷數十州。縣官兵追及賊輒驅良民在前。官兵所殺皆良民。故雖屢奏捷而賊勢不衰。於是朝命又以彭澤提督軍務。與仇鉞辦河南賊。其山東畿輔賊則專委陸完澤等。至河南燧等走汝州寶豐舞陽固始潁州光山。鉞追及之。賊大敗。湖廣軍又破其別部賈勉兒於羅田。賊流六安舒城。趨廬州定遠。屢敗。而道遇楊虎餘黨數千人。又振陷鳳陽泗宿睢靈諸將連敗之。追至應山。賊略盡。燧難髮逃至江夏。被執伏誅。惠走土地嶺。為指揮王謹射中目。自縊死。勉兒亦獲於項城。餘黨邢本恕劉資楊寡婦等皆就擒。而陸完之辦山東賊也。賊入登萊海套。又北走。沿途嘯聚益眾。巡撫甯景兵為所敗。賊又南走湖廣。奪舟至夏口。為滿弼等追及。劉六與其子仲淮赴水死。劉七齊彥名乘舟抵鎮江。時河南賊已平。帝命彭澤等會勦。賊猶乘潮上下。操江伯趙宏靖遇之。敗績。完至鎮江。分舟師備江陰福山港等處。賊懼至通州。颶風大作。走保狼山。完等攻之。彥名中槍死。七中矢亦赴水死。餘賊盡平。陸完彭澤仇鉞

江西盜

正德中流賊不獨劉六七等也。江西亦有劇盜。撫州則王鈺五徐仰三傅傑一。揭

端三等。南昌則姚源賊汪澄二。王浩八殷勇十。洪瑞七等。瑞州則華林賊羅光權陳福一等。贛州則大帽山賊何積欽等。朝命陳金總制軍務討之。金調廣西土官岑鏊岑猛土兵與官兵合擊賊於熟塘。於東岸禽仰三。馘鈺五等。移師姚源。分命參政董朴等扼餘干等縣。防其逸出。親統大軍搗巢。勇十瑞七等皆就誅。乘勝斬光權。華林賊盡平。又擊大帽山賊擒積欽。半年間勦賊略盡。金置酒高會。餘賊覘諸隘無守兵。乃賂土目乘間逸出。時賊已絕饜三日。自分必死。至貴溪始得一飽。遂掠徽衢間。金招降王浩八。偽降以緩師。而攻剽如故。陳金東鄉賊亦乞降於副使胡世盛。號新兵。亦掠剽懼罪。又叛。朝命以俞諫來代金。浩八據貴溪之裴源山。眾又集。連營十餘里。諫令世盛等分兵斷其去路。賊憑山發矢石。官兵幾不支。諫與副總兵李鏐殊死戰。賊乃走。追數十里。擒浩八。其黨胡浩三既擒。又叛。參政吳廷舉往諭。為所執。居三月。盡得其要領。誘浩三殺其兄浩二。官兵乘亂攻之。遂擒浩三。以次平劉昌三等。而東鄉賊王垂七胡念二等。又殺官吏焚廨舍。諫又發兵擒之。亂乃定。俞諫李鏐吳廷舉等傳

四川盜

是時流賊之在四川者。保靈有藍廷瑞稱順天王。鄔本恕稱刮地王。其黨廖惠稱

掃地。王眾十萬。置四十八總管。蔓延陝西湖廣之境。廷瑞惠謀據保寧。本恕謀據漢中。取鄖陽東下。巡撫林俊調羅徇兵。及石柱土兵。至龍灘河。乘賊半渡擊之。獲惠餘賊。奔陝。總制洪鐘下令。招撫降者萬餘人。賊又掠蓬劍二州。鐘檄陝豫楚兵分道進。廷瑞走漢中。官兵圍之。廷瑞遣人乞降於陝撫藍章。章以賊本川人。遣官護之出境。賊既入川。乞降而多所要求。欲以營山縣或臨江市處其眾。鐘遣通判羅賢入其營。被殺。鐘乃分兵為七壘守之。賊不得逸。廷瑞以所掠女子詐為已女。結婚於鐘。所調來之水順土舍彭世麟。冀得開逃去。世麟密白鐘。鐘使以計圖之。及期。廷瑞本恕及其黨二十八人咸來會。伏發盡擒之。惟廖麻子得脫。偕其黨曹甫。掠營山蓬州。鐘又議撫甫。聽命。廖麻子忿甫背已。襲殺之。并其眾。轉掠川東。自合州渡江。陷州縣。鐘甫黨方四。亡命思南。巡撫林俊發兵擊走之。傳朝命彭澤來代鐘。澤偕總兵時源數敗之。擒麻子於劍州。其黨喻思倖竄巴通。澤又擒之。傳澤時鐘所調水順土兵。恣為暴。民間謠曰。賊兵梳官兵篋。土兵雉陳金。所調廣西土兵亦恣橫。民間謠曰。土賊猶可。土兵殺我。

曾一本

喜靖中海寇。曾一本。本營戶。糾眾橫行閩廣間。俞大猷將赴廣西。總督劉燾令大猷會閩師夾擊。一本至閩。總兵李錫出海禦之。與大猷遇賊柘林澳。二戰皆捷。賊遁馬耳澳。復戰。廣東總兵劉顯及郭成率參將王詔。以師會次萊蕪澳。分三哨進。一本駕大舟力戰。諸將連破之。燬其舟。詔生擒一本及其妻子。斬首七百餘。死水

火者萬計。一本之黨梁本豪亦營戶。一本既誅。本豪竄海中。習水戰。遠通西洋。且結倭兵為助。殺千戶通判以去。總督陳瑞與參將黃應甲謀。分水軍二。南駐老萬山。備倭。東駐虎門。備蜚。別以兩軍備外海。兩軍扼要害。乃率水軍進。沈蜚舟二十。生擒本豪。餘賊奔潭洲。聚舟二百。及倭舟十。諸將合追。先後俘斬千六百。沈其舟二百餘。撫降者二千五百。海賊盡平。李錫劉顯傳

徐鴻儒

天啟二年。山東妖賊徐鴻儒反。連陷鄆鉅野鄆滕嶧。眾至數萬。巡撫趙彥任都司楊國棟。廖棟檄所部練民兵。守要地。起家居總兵。楊肇基使統兵往討。而棟國棟等攻鄆。兵潰。遊擊張榜戰死。彥方祖師兗州。遇賊肇基至。急迎戰。令棟國棟夾擊。大敗之。橫河賊精銳聚鄆。滕中道肇基令遊兵綴敗鄆城。而以大軍擊賊紀王城。大敗賊。殪之。嶧山。遂圍鄆。國棟等亦死。後收復鄆鉅野嶧。諸縣。乃築長圍攻鄆。三月賊食盡。其黨出降。遂擒鴻儒。楊肇基傳

劉香

崇禎初福建有紅夷之患海盜劉香乘之連犯閩廣沿海邑總督熊文燦議招撫遣參政洪雲蒸副使康成祖參將夏之本張一傑等宣諭俱被執乃令降盜鄭芝龍擊香於田尾洋香勢感令雲蒸止兵雲蒸大呼急擊賊勿顧我遂遇害香勢窮自焚溺死承祖等脫歸文燦傳

明祖本紀

明史太祖本紀大概多本之賈錄及御製皇陵碑世德碑紀夢文西征記平西蜀文周顛仙人傳此外則皇明祖訓皇朝本記天潢玉牒國朝禮賢錄及陸深之平胡錄北平錄平漢錄平吳錄平蜀記黃標之平夏記張統之雲南機務抄黃高岱之鴻猷錄唐樞之國琛集王世貞之名卿續記顧璘之國寶新編徐禎卿之翦勝野聞王文祿之龍興慈記等書無慮數十百種類皆資其採掇然使決擇不精如南北史徒搜異聞以炫人耳目往往轉至失實明史則博攬羣書而必求確核蓋取之博而擇之審洵稱良史不參觀於各家記述不知修史者訂正之苦心也

皇陵碑

叙明祖側微時當以御製皇陵碑為據蓋明祖自述其少日流離艱苦之況甚至

裸葬父母髮沙門乞食江淮皆所不諱則其事之確核可知也天潢玉牒明祖母陳太后在麥場有一道士修髯簪冠紅服象簡來坐撥一白丸曰大丹付太后吞之已而有娠據此則道士授丹乃實事也皇朝本紀則云太后夜夢黃冠來麥場中取白藥一丸使吞之覺語仁祖即明祖之父而口尚有香是夢中事也高岱鴻猷錄亦云是夢明史本紀從之玉牒又謂明祖兄南陽王及子山陽王先死貧無葬地同里劉繼祖以地與之時仁祖先夢於彼處築室今葬長子後果夫妻亦同葬此地即鳳陽陵云是長子先葬數年後父母隨葬也然皇陵碑云皇考終於六十有四皇妣五十有九而亡孟兄先死合家守喪田主德不我顧呼叱昂昂忽伊兄之慷慨惠此黃壤則是父母兄相繼死於旬日之內故劉繼祖憫其鞠凶而捨地與之且繼祖弟方不許若已葬兄有地又何煩繼祖之贈耶又徐禎卿翦勝野聞帝父母兄相繼死貧不能具棺與仲兄謀草葬山中途次硬斷仲返計留帝視屍忽風雨天大晦比明視之則土裂屍陷已成墳田伯劉大秀即與地而棄責焉按皇陵碑云殯無棺槨蔽體惡衰是草葬自是實事至天葬之神異事本不經碑中並無一語或其後因裸葬而附會為此說耶玉牒謂劉繼祖野聞謂劉大秀名亦不同

明祖以不嗜殺得天下

明祖以布衣成帝業。其得力處。總在不嗜殺人一語。初遇李善長。即以漢高詒達大度。不嗜殺人為勸。及取和州。諸將頗不戢。范常規以得一城而使人肝腦塗地。何以成大事。即責諸將。搜軍中所掠婦女。遣送其家。既渡江。將取太平。令李善長預書禁約榜文。入城即懸諸通衢。兵皆肅然。毋敢犯。故陶安謂明公神武不殺。天下不足平也。及將取鎮江。先坐諸將以重罪。令善長再三求釋。乃下令。廬舍不焚。民無酷掠。方許免罪。於是克城之日。民不知有兵。池州之役。徐達常遇春敗陳友諒兵。生獲三千人。遇春欲盡誅之。徐達不可。乃以聞。而遇春已坑其兵過半。帝急命釋之。由是命達盡護諸將。遇春圍熊天瑞於贛州。固守不下。帝慮其多殺。先戒曰。得地無民亦何益。乃築長圍。半年始克之。於是諸將皆承順風旨。咸以殺掠為戒。徐達圍張士誠於平江。亦幾一年。城將破。先約遇春曰。兵入我營。其左公營其右。禁殺掠。故城破而民亦晏然。潘元明以杭州降於李文忠。文忠身宿譙樓。兵有借民釜者。立斬以徇。建寧守將達里麻翟也。先不花送降款於何文輝。主將胡美怒其不先詣。已欲屠其城。文輝曰。兵至為百姓耳。何可以私意殺人。美遂止。張彬攻靖江南關。為守城者所詬。怒欲屠其民。楊璟諭之亦止。鄧愈之徇安福也。部下有擄掠者。判官潘樞入責之。愈急下令禁止。搜軍中所得子女悉還之。徐達克元都。市不易肆。尤見威令之肅。蓋是時羣雄並起。惟事子女玉帛。荼毒生靈。獨明祖以救世安天下為心。故仁聲義聞。所至降附。省攻戰之力大半。其後胡藍二黨。誅戮至四五萬人。則天下已定。故得肆其雄猜。又平地滇黔。殺苗蠻亦不下六七萬。則以番夷之性。但知畏威。非此不足以懲創。蓋明祖一人。聖賢豪傑盜賊之性。實兼而有之者也。

明祖用法最嚴

明祖親見元末貪贖懈弛。生民受害。故其馭下。常以嚴厲為主。雖不無矯枉過正。然以挽頹俗而立紀綱。固不可無此振作也。當其用兵之始。命禁釀酒。胡大海方攻越。其子首犯之。王愷請勿誅。以安大海心。帝曰。蓋使大海叛我。不可使我法不行。遂手刃之。趙仲中守安慶。陳友諒來攻。仲中棄城走。常遇春請原之。帝不許曰。法不行。無以懲後。遂誅之。馮勝攻高郵。城中詐降。使康泰等先入。敵閉門盡殺之。帝召勝還。決大杖十。令步行至高郵。勝愧憤。竟攻克之。可見其威令之嚴。不可搖動。獨鄧愈守洪州。祝宗康泰反。愈不及備。逃出撫州門。帝竟不殺。仍令往守。豈以事出不意而恕之耶。抑以其功大而不忍執法耶。

明祖重儒

明祖初不知書。而好親近儒生。商略今古。徐達往取鎮江。令訪秦從龍。致願見之意。即令姪文正甥李文忠。以幣聘至。應天朝夕過從。以筆書漆簡。問答甚密。從龍又薦陳遇。遇不受官。而尊寵之。逾於動戚。後置江南行中書省。省中自李善長陶安外。又有安思顏。李夢庚。郭景祥。侯元善。楊元景。阮宏道。孔克仁。王愷。樂鳳。夏煜。毛騏。王濂。汪河等。皆燕見無時。數陳治道。又聘劉基。宋濂。章溢。葉琛。至曰。我為天下屈四先生。下婺州後。又召吳沈。許元。葉瑄。王。胡翰。汪仲山。李公常。金信。徐夢童。冀戴良。吳履。張起。敬等。會食省中。日令三人進講經史。其後定國家禮制。大祀用陶安。祫禘用詹同。時享用未升。釋奠耕藉。用錢用壬。五祀用崔亮。朝會用劉基。祝祭用魏觀。軍禮用陶凱。一代典禮。皆所裁定。尋以胡惟庸謀反。廢丞相。又設四輔官。以王本。杜佑。龔穀。杜敷。趙民望。吳源等為之。隆以坐論之禮。諫院疑獄。四輔官得封駁。又有安然。李幹。何顯。周等。相繼為之。帝嘗謂聽儒生議論。可以開發神智。蓋帝本不知書。而睿哲性成。驟聞經書奧旨。但覺聞所未聞。而以施之實政。遂成百餘年清晏之治。正德以前。猶其遺烈也。

郭子興之被執

至正十二年二月。郭子興孫德崖等陷濠州。未幾有徐州盜魁彭大。趙均用。為元兵所敗。亦奔於濠。彭僭稱魯淮王。趙僭稱永義王。部眾恣橫。子興等反為所制。高岱鴻猷錄云。彭趙一日執郭下獄。帝力為營救。彭趙聞而釋之。天潢王牒亦云。彭趙執郭於獄。明日彭帥釋之。是執子興者。彭趙共之也。然皇朝本紀則云。子興奉彭而輕趙。德崖等恃趙威。執子興。囚於德崖家。帝以子興次夫人往訴彭。彭曰。孰敢若是。呼左右點兵。帝亦披堅執銳。圍孫宅。共掀椽揭瓦。見子興鉗足繫項。令人負歸。脫去鉗鎖。是趙執子興。而彭脫之也。其後帝總兵和陽。德崖求寄居。子興至。其兵與德崖兵鬪。子興執德崖。德崖兵亦執帝。猶以此宿憾也。明史郭子興傳。不從鴻猷錄。而專用皇朝本紀較為確核。

劉繼祖汪文

王牒又云。帝父母死。無食。時年十七。入皇覺寺為僧。鄰人汪文助為之。禮事高彬為師。此即碑所云。汪氏老母。為余籌量。遣子相送備禮。馨香空門禮佛。出入僧房。汪文蓋即汪媪之子。鴻猷錄亦謂帝從汪媪議。託身皇覺寺。汪媪為少具儀物。師事僧高彬。鄭曉今言云。鳳陽皇陵有奉祀二人。劉氏汪氏。徐禎卿翦勝野聞云。帝念劉大秀。施地之惠。封為義惠侯。又感汪媪之意。教授世官。令衛皇陵。明史作劉

帝平淮安。後至濠。賜故人汪文。劉英。粟帛。

張士德之擒

按陸深平吳錄云徐達攻常州張士誠遣其弟士德來援士德敗走過坎墜馬被擒皇朝本記則云徐達破張士誠兵於宜興湖橋擒其弟張九六即士德今明史徐達傳則云擒士德於常熟

劉福通被殺

陸深平吳錄至正十九年劉福通以宋主韓林兒走安豐二十三年張士誠遣呂珍破其城殺劉福通而平吳錄則云帝率常遇春等救安豐珍敗走福通奉韓林兒退居滁州按二錄皆陸深所著而一則云福通被殺一則云福通奉其主居滁何舛錯如此高公鴻猷錄則云珍攻安豐急劉福通遣使求救於建康上親率諸將救之至則珍已破安豐殺福通上遂以林兒還金陵云按是時羣雄多奉林兒龍鳳年號明祖亦用之令下則云皇帝聖旨吳王令旨已居然天下共主矣福通其宰相也權位并在明祖之右呂珍已為明兵所敗并獲元將忻都走左君弼使福通不死必仍奉林兒據大位以號召天下其肯退居於滁奇人離下耶是珍之殺福通自是實事福通既死明祖奉林兒居滁則已在掌握中不逾年林兒死遂改年為吳元年廖永忠傳并謂永忠迎林兒還應天至瓜步覆其舟死則鴻猷錄所云奉林兒還金陵者亦誤也

明祖之取江州

明史趙德勝傳至正癸卯太祖西征陳友諒破安慶水寨乘風沂小孤山距九江五里友諒始知倉皇遁去是友諒不及戰即往武昌也劉基傳亦云明祖攻安慶自旦及暮不下基請徑趨江州遂悉軍西上友諒出不意帥妻子奔武昌亦見國初禮賢錄然御製西征記抵皖城寇舟不戰水陸固守我師遂宵晝弗停次日午後直抵潯陽與彼交戰再衝再折若此者三彼負而我勝友諒逃遁遣將伏降是明兵到時友諒亦曾拒戰既敗而逃當以西征記為準按明史廖永忠傳是時永備甚固永忠渡城高下造橋於船尾名曰天橋以船乘風倒行橋附於城遂克之是不惟交戰抑且攻城使友諒不待戰即倉皇遁去又何用造橋於船尾方攻破耶

徐達縱元君之悞

陸深玉堂漫筆徐達之蹙元順帝於開平也開一角使逸去常遇春怒無大功達曰是常君天下將裂地封之乎抑遂甘心也既皆不可則縱之固便徐禎卿翦勝野聞亦謂達追順帝忽傳令班師遇春大怒馳歸告達反達料遇春歸必有諍言乃亦引軍歸別白此事謂若執以歸將焉用之云云按洪武元年達遇春至通州

以八月庚午克元都。順帝已於七月丙寅開建德門北走。固未有故縱之事。二年春。達方在陝西。戡定鞏昌。臨洮。慶陽等處。遇春以通州有元丞相也。速來窺伺。乃與李文忠還師北平。既敗元兵。遂追入開平。順帝已北走沙漠。遇春歸。亦卒於柳河途次。是開平之役。達未之行。遇春亦無歸朝面奏之事。且達小心恭謹。當平江攻張士誠時。遣使請事。帝嘉其忠。而以將在外。君不御。勉之。胡德濟從征擴廓。達令致敗。當斬。達以功臣胡大海之子。械送京。帝曰。將軍效衛青。不斬蘇建耳。繼自今毋姑息。是達之不敢自尊可知。况滅國大事。敢故縱其君乎。明史謂上幸汴梁時。達密請於帝。謂元主若北走。將窮追之乎。帝曰。元運衰矣。行自漸滅。出塞之後。慎固封守可也。此事較為得實。然達并未追順帝也。陸徐著述頗可觀。此事乃謬誤如此。蓋徒得之傳聞。而未嘗見實錄也。

新月詩

黃溥閏中今古錄。明祖嘗試諸子新月詩。懿文太子云。雖然未到團圓夜。也有清光照九州。成祖云。誰將玉指甲。搗破天痕影。落江湖裏。蛟龍不敢吞。鄭曉今言。則以影落江湖為建文君所作。蓋世所傳從亡錄。建文竄跡西南。終免於禍難。似其詩懺也。

通州糧運京二傳所載不同

土木之變。英宗既北狩也。先將入寇。朝議欲焚通州倉。以絕寇資。後令京軍自運到京。不數日。京師頓足。明史周忱傳。以為此議本出自忱。于謙傳。則又以為出自謙。蓋忱傳本之何良俊。四友齋叢說。謂忱適以事至京。令軍士預支半年糧。俾自往取。何至付為煨燼。謙傳則本之陳沂畜德錄。謂國之命脈在此。傳示城中有力者。盡取之。高岱鴻猷錄。亦謂謙令軍士預支月糧。以贏米為之直。此各記所記者也。蓋本忱建此議。而謙奏行之耳。

于謙王文之死

黃溥閏中今古錄。英宗復辟時。石亨等誣王文于謙謀。迎立外藩。坐以大逆。將肆之市。謙連呼皇天后土。文但云。今已到。此伸起頭來。就砍。連呼何為。久自明曰。是文之臨危不懼。視死如歸。過於謙遠矣。然明史文謙二傳。謙並無皇天后土之呼。文則力辨。召親王。須用金牌信符。遣人必有馬牌。內府兵部可驗也。謙笑曰。亨等意耳。辨之何益。是從容就死者謙。而自辨冤枉者乃文也。蓋又各就其平日之人品。而繫以蓋棺定論耳。

喜盜之橋

明史于謙傳。英宗陷虜時。有叛閩喜盜降也。先為之謀主。嘗導之入寇。邀大臣出迎。駕索金帛以萬萬計。後隨出塞。又喉梗。盜夏等邊。謙密令大同守將禽而戮之。是謙授計之功也。楊俊傳中。朝患喜盜。購禽斬盜者銀二萬兩。爵封侯。為都指揮。江福所獲。宣府參將楊俊冒其功。景泰帝以邊將職所當。為僅加左都督。賜金幣。後事白。奪俊冒陞官。別賞江福。是江福擒叛之功也。然閱正統北狩事蹟。尹直北征事蹟。高岱鴻猷錄等書。則不惟楊俊冒功。即江福亦非功首。其始謀乃英宗也。英宗在北。以盜數喉也。先擾邊。則和議不可成。和不成。則已無還期。會欲遣使至宣府。索春衣。囑也。先以盜往。而使軍士高磐隨行。密以手諭書木片。縛磐髀股間。使以示俊。俊與盜飲城下。磐即抱盜大呼。遂縛送京師。伏誅。蓋福是磐抱盜。則俊與福之功。皆屬倖得。而又係之於謙。蓋以其忠誠為國。凡有善事。皆歸美焉。耳。

曹吉祥江彬

太監曹吉祥。從征雲南福建。朝命以諸降夷之安插畿甸者隨行。既還京。吉祥皆結以恩為爪牙。其姪欽官。錦衣衛指揮使。封昭武伯。欽弟鉉鑄鐸。皆至大官。英宗復辟時。欽曾以此輩奪門冒功得官。至數千人。石亨敗。冒功者皆革。此輩又為吉

北狩事蹟作高賦
北征事蹟作高旺

祥所庇得免。吉祥招權納賄。肆無忌。上寢疎之。欽亦以恣橫失上意。別以衛事委任。遂果。於是吉祥欽謀為亂。天順五年。七月初二夜。將以明日五鼓。禁門開。率諸番將一擁而入。吉祥於內應之。可以得志。會有馬亮者。告變於恭順侯吳瑾。瑾與懷遠伯孫鐘。二鼓從門隙中。密本奏入。遂執吉祥於內廷。欽等不知也。及期百官方至。待漏院入朝。而門不啟。欽知事洩。乃與諸弟率番將伯顏普華等。先至景家殺景。并殺瑾。及都御史寇深於朝房。又刃傷大學士李賢。鐘等聞變。率兵來大戰於長安街。吉祥欽鉉鑄鐸伯顏等皆伏誅。使非鐘瑾等刺閨告變。禍幾不測矣。然亦有不可解者。吉祥方密應於內。鐘瑾等雖奏入。豈不能攔截。弗使上聞。何以能直達御前。遂至被執。及觀李賢天順實錄。及知吉祥不通文墨。未嘗掌司禮監。故章奏不經其手也。明史吉祥傳。卻稱其掌司禮監。然武宗嬖江彬為義子。自通州回京。彬將邊兵扈行。而帝已病。彬矯旨改團營為威武團練營。及帝崩。大學士楊廷和雖令中官密啟皇太后。誅謀之。然近在肘腋。何以能束手就縛。及觀若陂繼世紀聞。及唐樞國琛集。何良俊四友齋叢說。是時廷和方懼其為變。謀之於王。王翺。翺請於遣詔內。叙邊兵扈從南巡之勞。而離家日久。俱令至通州給賞散歸。於是彬左右無人。遂不能脫。此一說也。高岱鴻猷錄。則云武宗崩。廷和等秘不發。

喪以武宗命召彬入遂就擒此又一說也按彬日侍豹房不離左右豈有帝崩而猶不知者明史楊廷和傳是時彬擁重兵在肘腋知天下惡之心不自安其黨李琮勸以家眾反不勝則走塞外猶豫未決廷和謀以皇太后命捕誅彬因題大行銘旌乃與中官溫祥等謀脅司禮魏彬入奏皇太后良久未報項之報曰彬已擒矣又明史佞倖傳帝崩江彬稱疾不出衷甲觀變會坤寧宮安獸吻皇太后傳命江彬與工部尚書李銘祭神以禮服入家人不得從祭畢中官張永留飯皇太后詔至收彬彬遂不能出此蓋當日實事誅彬在武宗晏駕數日後初非祕不發喪即日誅誅彬而後成服也蓋彬雖有不軌謀而素無布置是以廷和等得乘間除害耳

明代宦官先後權勢

明內監故事永樂中差內官至五府六部稟事內官離府部官一丈作揖途遇公侯駙馬則下馬旁立今則呼府部官如屬吏公侯駙馬途遇內官轉迴避矣陸容雜記張吏侍延祥云內閣待中官之禮凡幾變天順間李賢為首相司禮監巨璫至者以便服接見之事畢揖之而退彭文憲繼之門者來報必衣冠見之與之分列而坐太監第一人對閣老第三位常虛其二位後陳閣老文則送之出閣商閣老輅又送之下階萬閣老安則送至內閣門矣今凡調旨等事司禮者開出或使少監等傳命而已陸深金臺記聞太監至閣臣迎之於花臺送之止中門李西涯告王鏊云此定例也陸深玉堂漫筆又見王鏊震澤長語朱象元云有一順門上內官云我輩在順門上久見時事凡幾變昔日張先生敬修進朝我輩俱要打恭後來夏先生言我們只平眼看著今嚴先生嵩與我們恭拱手纔進何良俊四友齋叢說此閣部大臣與內官交接先後不同之大概也至王振汪直劉瑾魏忠賢則有長跪叩頭呼九千歲者矣

權奸贖賄

震澤長語正德中劉瑾籍沒時金二十四萬錠又五萬七千八百兩元寶五百萬錠銀八百萬又一百五十八萬三千六百兩以上金共一千二百五萬七千八百兩銀共二萬五千九百五十八萬三千六百兩著陵繼世記聞劉瑾時凡有贖賄一留青日札嘉靖初籍沒錢監金七千一百一十一萬一萬後漸增至幾千幾萬矣嚴嵩籍沒時金銀珠寶書畫器物田房共估銀二百三十五萬九千二百四十七兩餘又直隸巡按御史孫丕揚所抄嵩京中家產亦不減此數而所估價又不過十之一即如裘衣共一萬七千四十一件僅估銀六千二百五兩零帳幔被褥二十

二萬二千四百二十七件。僅估銀二千二百四十八兩零。則其他可知也。計其值不下數十倍。此外又行賂於權要者。十二三。寄頓於親戚者。十三四云。明史嚴嵩傳。嵩籍沒時黃金三萬餘兩。白金百餘萬兩。他珍寶貝可數計。蓋猶少言之也。

明代科場之弊

唐寅舉鄉試第一。與江陰富人徐經同舉。遂同入京會試。寅故有才。梁儲為延譽於程敏政。適敏政與李東陽同主會試。策題以四子造詣為問。乃是許魯齋一段文字。見劉靜修退齋記。通場士子皆不知。敏政得二卷。獨條對甚悉。將以為魁。而寅出場後亦疎狂自炫。給事中華泉遂劾敏政。題時榜未發。詔敏政毋閱卷。其所錄令東陽覆閱。二人卷皆不在所取中。東陽以聞。言者猶論不已。敏政求寅經俱下獄。坐經嘗謁見敏政。寅嘗乞敏政作序文。俱黜為吏。敏政亦勒致仕。見明史敏政傳。并何良俊叢說。若敏政治。景亦以言事不實。調南太僕主簿。蓋定獻時未嘗實其世餘聞。王世貞明詩評。景亦以言事不實。調南太僕主簿。蓋定獻時未嘗實其關節之罪也。歸安人韓敬嘗受業於湯賓尹。賓尹分校會試。敬卷為他校官所棄。賓尹越房搜得之。并取中五人。他考官皆效尤。競相搜取。共十七卷。賓尹又以敬卷強總裁蕭雲舉王圖錄為第一。榜發。士論大譁。及廷對。賓尹又為敬。賓尹旋以考察奪官。敬亦告病。事已隔三年矣。會進士鄒之麟分校順天鄉試所

取童學賢有私。御史孫居相并着尹事發之下。禮官及都察院議而不及賓尹。給事中孫振基請并議禮部侍郎翁正春。議黜學賢。請之。麟亦不及賓尹。振基再疏劾。乃下廷臣更議。時賓尹已去官。故諱行人司副。明史孫振基傳。

按賓尹在浙黨中。本為巨魁。嘗把持京察。以麻禧依附東林。即出之為按察司知事。即其在閩中。越房搜卷。并強總裁拔敬第一。廷試又為敬。賓尹宜雪。敬宜復官。可見其權力聲勢。足以奔走一時。故孫玉揚以賓尹召號黨與。又將圖柄用。乃并其門生王紹徽亦出之於外。真所謂奸人之雄也。王紹徽傳。

明人說部

徐禎卿翦勝野聞。明祖擒張士誠後。斥江浙行省參政周伯琦曰。元君寄汝以腹心。乃資賊為亂耶。先迎之。三日大醉。以酬其勞而戮之。按元史平江破後。伯琦歸故鄉。以良死。初未嘗被戮也。野聞又云。士誠司徒李伯昇。先以國情輸我師。帝亦以為姦臣而誅之。然湖州之破。滿城皆降於明。獨伯昇不肯。曰。張太尉待我厚。何忍為此不得已。亦降。及平江將陷。伯昇又使人說士誠。以保身全家為上策。則其倦倦於故主。尚非忍然。是以既降後。命仍故官。洪武七年。尚命伯昇掌屯田。山東北

平等處後又兼懿文太子同知詹事院事。又命將兵討平湖廣慈利蠻。吳良傳。伯昇又隨鄧愈討廣西判蠻。則伯昇初未被誅也。而野聞以為被戮。果何所據耶。又王錡寓圃雜記。元有全某者。乃宋淵聖皇帝之母舅。在元學佛於土番。號合尊大師。有子亦從其教。後元主坐以說法聚眾。皆殺之。按淵聖乃欽宗追尊之號。至元朝已百六十餘年。何得尚存。合尊大師乃德祐帝也。蓋全某係德祐帝母全太后之兄弟耳。而譌為淵聖。可謂屯毛不辨。又德祐帝有子曰完普。亦出家為僧。然未有殺害之事。此明人小說中最陋者也。

長隨

長隨本中官之次等。受役於大璫者。明史宦官何鼎傳。鼎在宏治中為長隨。又王振傳。英宗陷於土木。邸王監國。羣臣既擊殺振黨馬順。又乞出王毛二長隨。亦擊殺之。下又云。王毛二中官。是長隨即中官也。鄭曉今言司禮璫王岳為劉瑾所惡。請充南京淨軍瑾黨長隨王成等。追至臨清小沙灘。縊殺之。今俗所謂長隨。則官場中雇用之僕人。前明謂之參隨。明史宦官傳。高淮監稅遼東。有參隨楊永恩。婪賄事發。幾激軍變。又稅監陳奉在武昌肆毒。眾欲殺奉。逃而免。乃投其參隨十六人於江。又何景明傳。太監廖鑾鎮關中。橫甚。其參隨遇三司不下馬。景明執而撻之。

明朝米價貴賤

明史周忱傳。時京師百官月俸。皆持俸帖赴南京領米。米賤時。俸帖七八石。易銀一兩。忱請重額官田。極貧下戶。準納銀每兩。當米四石。解京代俸。民出甚少。而官俸常足。王文傳。蘇松常鎮四府。每糧四石。折銀一兩。民甚便之。後戶部復令征米。輸徐淮。率三石致一石。文用便宜停之。張瑄傳。榆林水災。瑄請移王府祿米於他處。留應輸榆林者濟荒。每石取值八錢。輸榆林。民皆稱便。馬文昇傳。輸邊者。糧一石。費銀一兩以上。豐年用糧八九石。方易銀一兩。李敏傳。請令山陝州縣。歲輸糧於各邊者。每糧一石。徵銀一兩。以十九輸邊。依時值折軍餉。有餘則糴以備軍興。由是北方二稅皆折銀。自敏始也。楊守隨傳。王府祿米。每石征銀一兩。後增十之五。守隨入告於王。得如舊。何喬新勘處播州事情疏云。四川布政使發銀三百兩。照依時價。每銀一兩。買米二石五斗。給築城夫口糧。是明中葉以前。米價不過如此。及崇禎中始大貴。李繼貞傳。崇禎四年。斗米值銀四錢。民多從賊。左懋第傳。崇禎時山東兵荒。米石二十四兩。河南乃每石一百五十兩。

廿二史劄記卷三十六

廿二史劄記補遺

陽湖趙翼撰

御批歷代通鑑輯覽總裁諸臣欽奉

上諭。金源肇起東方。與本朝滿洲之地同一疆域。如完顏為金國族。至今隸我旗籍。而今之富察氏。即金滿察轉音。此其明證也。閱攷史冊所載金語。與今國語類多脗合。第音譯傳誦。遂至歧舛。而元人所著金語一篇。又多臆度失真。如勃極烈。即今貝勒。為管理衆人之稱。乃解為猶漢云冢宰。附會無當。至猛安音近。今明安。明安干也。與干夫長相協。謀克之為百夫長。義實難通。或即今語穆昆。為族長之稱。猶可比合。若以按出虎為金與國語愛新。迥不相同。而金國語解。又有金曰按春之文。則又與今耳墜語相同。亦與金無涉。不知何以踏謬若此。蓋金朝所製女真大小字。未經流傳中外。而又未經譯以漢字。其後裔式微。遂無從攷證。不及我朝審音辨字之精詳。足為同文準的耳。夫各國各有其語。各有其字。我滿洲與蒙古。一字一音。即盡其一字一音之義。從無一音而有兩字。以至數字。惟漢字則一音有多。至數字者。於是以漢字譯清字者。得以意為愛憎。每取惡字以示見貶。不但於異國異字用之。即於同一漢文。頗有用是為抑。

揚者矣。此倉頡造字。所以有鬼夜哭之語也。然漢自漢。清自清。以漢譯清。原非本文。庸何傷乎。若求其音之正。則必當用三合音字。庶不失本來。而三合音字。非人所能盡曉。茲因批閱通鑑輯覽。思金史成於漢人之手。於音譯既未諳習。且復任情毀譽。動以醜字肆其詆訾。如烏珠之必書兀木之類。不可枚舉。而貝勒或為勃極烈。或為字董。實可鄙笑。我國家中外一統。治洽同文。不忍金朝之官族人名。為庸陋者。流傳所誤。因命廷臣。悉按國語。改正其舊名。仍註於下。以資參攷。使讀史者。心目豁然。不為前人謬妄所惑。特於初見處。發其大凡。如此。欽此。臣纂輯廿二史劄記時。第就坊刻遼宋金元明舊史為據。今蒙高宗純皇帝御批。歷代通鑑輯覽。所有人名官名地名。一一繙譯改正。始知數百年以來。皆承謠襲。今日方得本音。誠千古不刊之書。讀史者宜奉為準的。第恐外間坊刻舊本正多。不能家喻戶曉。臣謹逐一錄出。轉以舊名在前。今名在後。使人知舊本如此。今本如此。讀史者可不迷於檢閱焉。

遼

邪律奴哥今改

習泥烈今改

胡土白山今改

余覲今改

夷

列今改

白斯不今改

耶律大石今改

師姑今改

捷曷里今改

遐買今改

余覲今改

教盧幹今改

捷魯今改

謨葛失今改

得里底今改

紮鄰今改

訖沙勒今改

可敦今改

回王

烈今改

朴古只沙里今改

普速完今改

可敦今改

回王

畢勒哥今改

忽兒珊今改

幹里刺今改

移刺窩幹今改

敵魯今改

阿鉢今改

兀欲今改

麻答今改

述乾今改

白再榮今改

察割今改

捷烈今改

涅魯今改

裏古直今改

兀律

忽沒里今改

耶律禪珠今改

克沙骨慎思今改

寅古今改

昌

木今改

推馬今改

巴速董今改

耶律斜軫今改

縮

于越今改

曷魯今改

耶律休哥今改

吐李今改

勃古哲今改

打

思今改

奚底今改

乙辛隱今改

吐李今改

勃古哲今改

打

蒲奴隱今改

蒲古只今改

詳穩今改

達烈哥今改

打

里今改

黨項今改

合利今改

吐蕃今改

達烈哥今改

打

奴瓜今改

迷般囑今改

通吉今改

者龍今改

廝鋒督今改

廿二史劄記

補遺

一

多斯榜

金

散觀今改胡突今改閣母今改特母哥今改撒鷹今改

里雅今改阿古哲今改翰布今改翰高今改蒲盧虎今改

郭博今改捷懶今改撒萬今改洪郭達今改黃摑今改

星顯今改三寶奴今改木虎今改齊勤今改火魯虎今改

必喇今改畏吾兒今改別失八里今改慶山奴今改

善努今改約合買住今改粘合打今改獨吉千家奴今改

通吉今改胡沙今改萬奴今改烏古孫兀屯今改唐括合今改

打古今改留哥今改醜奴今改烏古論奪刺今改石古乃今改

納錫今改斜烈今改紇兒今改抹撚博多今改搜温今改扎今改

達卓今改筆什爾今改查拉爾今改素蘭今改銀青今改

花道今改昔烈今改寅蒼虎今改阿海今改央谷今改

石里哥今改字木今改蒲刺都今改必蘭阿魯帶今改

徒單百家今改僕散掃吾出今改佻滿胡士門今改

坤爾錦今改訛出虎今改巴土魯今改訛可今改

牙吾谷今改移喇今改八狗今改訛魯古必喇今改

移刺眾家奴今改伯開今改卜吉今改胡里今改

不答今改合達今改納合六哥今改移刺蒲阿今改

陳和尚今改連不台今改兀良合今改兀林谷今改

可今改六兒今改翰烈今改兀林谷今改

按得木今改定住今改口温不花今改別里古台今改

兀典今改阿里合今改納合合閏今改石箋女魯今改

歡今改白撒今改撒合輦今改阿虎帶今改赤蓋合今改

喜今改徒單益都今改豐新今改阿木魯今改眾今改

僧奴今改珠顯今改合周今改久住今改斜卯愛實今改

錫今改把奴今改奴申今改習捏阿不今改都喜今改木甲今改

塔失不今改官奴今改乞奴今改烏古論忽合今改

野驢今改女奚烈完出今改烏古孫愛實今改

揆今改字木魯今改兀沙惹今改兀林谷胡土今改

玉山兒今改夾谷久住今改

蒙古

斡難河今改鄂諾河 孛端叉兒今改孛端 阿蘭果火今改阿蘭 脫奔咩哩

捷今改托本 畏羅今改特 也速該今改伊 跌甲温盤陀山今改特 帖麥該地名

泰赤烏楚特 月倫鄂特 察兀秃魯察兀魯 成吉斯汗今改青 木赤

太陽罕今改迪 蔑里乞今改 窩闊台今改 木華黎今改 札刺爾

察合台今改 窩闊台今改 怯台今改 哈台今改 薄察今改

孔温窟哇根 怯台今改 吾也兒今改 珊竹今改 薄察今改

肅也先今改 吾也兒今改 塔忽今改 安赤

察華今改 三哥拔都今改 宏吉利今改 塔忽今改 安赤

忽秃今改 撒爾塔里今改 兀胡乃太不花今改 密里今改 扎拉

默德那今改 派噶木巴爾今改 密里今改 扎拉

密里汗今改 幹脫羅兒今改 達魯噶齊今改 撒馬兒罕今改

班勒訖地名 塔里寒今改 達魯噶齊今改 博爾木今改 赤老温今改

侯小叔今改 幹可今改 阿魯帶今改 博爾木今改 赤老温今改

納忽兒蘭今改 博兒忽今改 許兀慎今改 赤老温今改

撥里班曲律今改 溫等今改 四人今改 猶華言今改 四傑也今改 子孫今改 皆領今改 宿衛今改 號四集今改 養

亦臘喇翔昆今改 霍博地名 庫鐵烏阿刺里地名

木兒哥今改 忽覲都今改 忽必烈今改 旭烈今改

阿里不哥今改 回古乃今改 塔察爾今改 倭蓋今改

闊端今改 唐兀烏密今改 曲也怯律今改 欽察今改

寬佃地名 木思海地名 乃馬真今改 拔都

幹羅思今改 也烈贊今改 乃馬真今改 脫烈哥

訛鐵錚湖蘭地名 奧都刺合蠻今改 失烈門

曲出今改 月里麻思今改 也可那顏今改 牙刺瓦

汪吉宿滅秃里地名 幹兀立海迷失今改 牙刺瓦

兀良合台今改 潤帖兀阿蘭地名 牙刺瓦

沒脫赤地名 乞里吉忽帖尼今改 牙刺瓦

孫哥今改 也速兒今改 孛里又今改 牙刺瓦

珊竹帶地名 紐璘今改 阿答胡今改 牙刺瓦

抄馬那顏今改 密里霍者今改 牙刺瓦

賽典赤今改 珊竹帶地名 紐璘今改 阿答胡今改 牙刺瓦

忙哥今改 沒脫赤地名 乞里吉忽帖尼今改 牙刺瓦

橫相乙兒地名 兀良合台今改 潤帖兀阿蘭地名 牙刺瓦

赤齡今改 汪吉宿滅秃里地名 幹兀立海迷失今改 牙刺瓦

廿二史劄記 補遺

李忽蘭吉今改李呼 阿木今改阿珠 苦徹拔都兒今改哲長 脫忽斯今改

真金今改精 邁鐵赤今改默 合魯氏今改赫 渾都海今改塔

乞台不花今改奇塔 八春今改崇 八思巴今改 薩斯迦今改

族款今改足 朵栗赤今改多 阿合馬今改阿 不魯花今改

玉龍答失今改玉 安童今改 和禮霍孫今改和 匿贊馬丁今改

蒙古 改國號曰元宋度宗咸清七年 賽典赤瞻思丁今改賽音諤德 烏

馬兒今改烏 阿里海涯今改阿 合刺今改 伯顏今改 博羅惟今改

忙兀今改 畏答今改鄂 遜都思今改安 塔出今改 阿刺

那木罕今改諾 合式大王今改和 宋都解今改蘇 奧

忙兀台今改蒙 昂吉兒今改昂 野蒲今改葉 闊里

楊理真今改 昔里吉今改錫 阿麻里今改

四集賽今改 也的迷失今改葉 也速解兒今改伊 抹

也孫幹論今改也 騰乞里塔今改 火敦腦兒今改

燕鐵木兒今改雅克 完者都今改烏 相答

阿魯渾薩里今改諤爾 不魯迷失海牙今改博羅 撒的迷失今改

桑哥今改 膽巴今改 功嘉葛刺今改恭 突甘思旦麻今改

哈刺哈孫幹刺納兒今改哈 徹里今改 燕只台吉今改

要束木今改 脫脫忽今改托 阿必失合今改

乃顏今改 阿沙不花今改 納牙今改

鐵哥今改 玉音鐵木兒今改 阿八赤今改

月里迷失今改 撒的迷失今改 不魯迷失海

土土哈班都察今改 撒的迷失今改 合刺帶今改 亦怯烈

怯伯今改 甘麻拉今改 合刺帶今改 亦怯烈

完澤土別燕今改 亦里迷失今改 月赤

明里鐵木兒今改 阿徹忽突今改 月赤

亦里吉解今改 色辰今改 禿魯麻今改

察爾今改 亦里吉解今改 色辰今改 禿魯麻今改

三不刺 地名今改賽音布拉克 伯括吾氏 今改巴約特氏 托里斯 今改托里資克 小薛 今改錫錫

蠻子台 今改曼濟盛 阿老瓦丁 今改阿威迪音 萬僧 今改烏孫 牀兀兒 今改和爾

俺答 請達 字伯 今改博拜 特靈台 今改爾特 也不干 今改布根 也速答

兒 今改伊遜 海山 今改海桑 荅刺麻八刺 今改麻巴拉 立智理威 今改刺勒

薛超兀兒 今改薛繡 忽憐 今改阿什 楊漢英 賜名賽音布哈 迷兒火者 今改密喇和卓

八都馬辛 今改瑪琳沁 馬兀合刺 今改烏赫哩 阿忽台 今改呼盛 愛育黎

拔丈八達 今改巴黑巴特喇 押忽 今改大珠名 完者篤 今改額勒哲依圖 秃刺 今改

喇圖 今改庫 牙忽都 今改呼雅 馬諸沙 今改蘇穆 沙的 今改錫迪 闊闊

出 今改庫 博達 今改撥綽 和世疎 即明宗武宗長子今改和錫拉 荅斯不花 今改塔斯布哈

乞台普濟 今改奇塔特伯奇 教瓦班 西僧名今改置勒幹巴勒 三布瓦丁 今改三布幹鼎 款徹

庫齊 今改 三布瓦 今改三布幹 脫虎脫 今改托托 保八 今改保巴 忙哥鐵穆爾 今改

蒙格特 今改 不里牙敦 今改布琳尼敦 脫憐 今改托琳 迸不刺 今改班巴爾 刺失里阿

納 今改喇特 鐵里 西僧今改德勒克 阿兒思蘭 今改阿爾薩蘭 旺光察都 今改郭察圖

木迭兒 今改德爾 只孫衣 今改積蘇衣 雍古 今改永固特 咬住 今改約爾珠 秃忽

魯 今改圖 護都魯兒 今改呼都克托里 呢匣馬丁 今改羅音智 滅里吉歹 今改

格爾 今改 碩德八刺 即英宗今改碩迪巴拉 釐日 今改哩日 教化 今改嘉輝 阿思罕 今改阿斯

罕 今改 脫里伯 今改圖魯卜 察阿台 今改察克台 伯荅沙 今改蘇迪 買住 今改邁珠

阿木哥 今改阿穆噶 脫不台 今改圖布台 月魯帖木兒 今改伊魯特木爾 卜領勒多

禮伯臺 都爾伯特 普顏篤 今改布延圖 乞失監 改齊克慎堅 秃禿哈 今改圖爾哈

八爾吉思 今改巴爾積蘇 乃刺忽 今改蘇拉固 塔失海牙 今改塔斯哈雅 黑驢 今改赫魯

脫忒哈 今改托多爾海 亦列失人 今改伊呼薩巴 帖赤 今改齊爾 胥益兒哈 今改呼索約

瑚哈 今改 鎖咬兒哈 今改達穆蘇勒 鐵里威失 今改呼威蘇 奴兒干 今改呼

罕 今改 圖帖睦爾 今改托克特穆爾 亦啟烈 今改奇哩 益里海涯 今改伊勒噶雅

鐵冶 今改錫 赤斤鐵木兒 今改穆爾特 也先鐵木兒 今改額爾特 益里海涯 今改伊勒噶雅

梯不花 今改古布哈爾 探忒 今改塔坦 幹羅斯 今改烏魯斯 失禿兒 今改達爾 旭

邁傑 今改馬爾舒 別烈迷失 今改密拉錫 馬速忽 今改斯固 買奴滿奴 今改奴 禿

滿 今改圖們 紐澤 今改蓋珠 馬刺 今改刺勒馬 曲呂不花 今改爾布哈 兀魯思不花

斯布 今改烏魯 鎖禿 今改蘇圖 八八罕 今改巴罕 阿速吉八 今改蘇奇布 左塔

不台 今改塔布台 塔失帖木兒 今改特穆爾 也先捏 今改森龜 阿刺忒納失

納改喇特 鐵木哥今改特 朵朵今改多 明理董阿今改芬 別不

花布今改拜 王不憐吉台今改旺布 乃馬台今改集 茂理吉解今改

特吉濟 脫別台今改托 曲烈今改奇 別鐵木兒今改拜 王禪旺辰

松山今改蘇 懷王圖卜特穆爾即文 闊闊台今改庫 鐵木兒補

化爾布今改特穆 撒敦今改敦 唐其勢今改騰 闊不花庫布哈 忽喇台

喇台改呼 探馬赤今改齊 馬扎兒今改穆 自當則丹 不花帖木兒

特穆爾 囊加台今改囊 寬徹今改齊 珣阿不刺今改多阿 奴兀

倫努倫 唐兀氏今改塘 護都篤今改胡 欽察台今改奇 阿兒思

蘭海牙今改阿爾 阿榮鄂允 鐵木兒脫今改特 輦真乞刺思今改

改年札 懿璘質班明宗子今改 禿堅圖今改 伯忽布因 阿禾今改

乞住今改 帖木爾不爾布哈 小雲失今改碩 八不沙今改必

雲都思帖木兒今改溫都 脫脫木兒今改托克 只兒哈郎今改齊

也的迷失脫迷今改伊德 觀音奴今改觀 野里牙又作野里海牙今改

雅阿里 馬兒瑪今改 阿刺忒納答刺今改 香山今改 糊思班今改

也速也不干今改伊伯根 古納答刺今改古魯 阿魯渾撒里今改

里 燕帖古思今改雅克 怯烈今改 必刺都古象失今改必喇 玉

珍達八的刺板的今改木津達巴 必刺忒納失里沙津愛護持今改布哩

沙津阿 僧家奴今改僧 扎牙篤今改濟 妥懽帖睦爾即順帝今改

邁來的里今改瑪 阿魯渾帖木兒今改阿爾 伯牙吾今改巴 真哥

珍格 普化今改 泰不花今改哈 伯牙吾台今改巴 丑的今改

壹兀班今改 佛家閣今改佛 糊斯監今改緯 汪家奴今改旺 沙

廿二史劄記

補遺

二

徹帖木兒特穆爾 密爾麻爾改 和謀今改 阿思蘭今改

察罕帖木兒特穆爾 吳火帖木兒特穆爾 普化布哈 完者帖木兒特穆爾

和尚華善 阿里渾察改 慶童今改 黨兀班今改 佛家閣今改

伯牙吾台約特 丑的綽台 寬徹普化必布 愛猷識理達臘今改

完者不花勤布 汝中柏忠巴 悟良哈台今改 褚不花布哈

班格伴哥 不蘭奚刺奇 紐的該都爾 完者都今改 兀都蠻

理麻失里瑪錫 胡伯顏巴延 帖木補花爾布 竹貞珠古

壽童碩通 哈喇魯喇魯 燕赤不花齊布 朵列都時 崔完

者帖木兒勤特 石抹宜孫爾伊 迪烈里 厚孫今改

朴不花木布 伯顏不花的斤哈德 大聖奴今改 也

先忽都呼圖 擴廓帖木兒特穆爾 木兒古徹兀地名 伯撒里今改

塔思帖木兒特穆爾 馬合謀哈穆 額高摩 真保珍布

老的沙達錫 也速伊蘇 荅蘭帖木兒特穆爾

上都馬瑪勒 那海今改 伯達兒今改 八思兒今改 脫烈

伯魯今改 虎林赤爾齊 滿尚賓今改 梅篤刺哈今改 脫

因帖木兒特穆爾 侯伯顏達世今改 沙藍荅兒今改

神保今改 朵耳麻爾 迭里彌實爾 阿里衮兒

也兒結尼爾 黑廝赫色 迭兒必失爾 朴賽因不花今改

滿川穆長 阿兒溫沙爾 卜顏帖木兒特穆爾 牙罕沙

伽璘真西僧 禿魯帖木兒特穆爾 演揲兒今改

倚納改 皆即兀該改 大幹耳朵謂大家 哈喇荅今改

加巴刺般樂器 報恩奴恩 桑哥失里圖 荅失八都

洪丑驢超 哈刺章喇 絆住馬爾 陳也先今改

魯今改 火赤溫實 絆住馬爾 陳也先今改

蠻子海牙濟 劉哈喇不花刺 雪雪今改 慶生今改

蓋里伯爾 韓札兒今改 沙不丁布 上都罕今改

阿魯渾河爾 哈喇河皆 別篤山道 長加

奴嘉 何瑣南普諾 卜納刺今改 喃加巴藏今改

補遺

廿二史劄記

廿二史劄記

廿二史劄記

廿二史劄記

廿二史劄記

札勒巴 南哥思丹八亦監藏今改納木喀薩 脫古思帖木兒元順帝

勒藏布 俄力思今改額 巴者拜改 伯顏子中延資中 脫火赤

和齊托 愛足按改 忽都帖木兒今改 亦憐真今改 達里

麻爾瑪 達的托改 乃刺吾喇改 劉探烏赤特改 一禿河

哈改伊 地保努元順帝之曾孫 天保奴保改 也速迭兒今改

咬住權改 坤帖木兒特改 鬼力赤勤改 兀良哈梁改

迤都山都改 徹徹兒山察改 索林帖木兒特改 買的里

八刺帝改 兀順帝孫順 哈禿兀拉改 火真蒙古人 安

克帖木兒哈密王改 脫列干改 阿魯台今改 察罕道

魯花今改 瓦刺改 哈里麻西僧名 瓦刺部

衛拉特今改 馬哈木哈改 把禿孛羅今改 煖答失今改

雅失里錫里本元裔 別失八里地名 兔力帖木兒推密王改

婁達衣涼州番酋 答里巴衛拉特汗 忽蘭忽失温衛拉特地

錫和 康哈里孩地名 屈律兒河在朵顏境內 也先土于蒙古

森托子 答蘭訥木兒地名 闊闊納活兒庫諾爾 母納山

納山今改 阿卜只俺今改 托都不花元後今改 也先今改

額 喃哥訥改 困即來濟改 完者脫歡今改 皮兒馬今改

馬 黑麻瑪改 乞兒蠻里改 革于帖木兒特改 孛來今改

改部人 麻兒可兒今改 毛里孩拉改 孛汗今改 烏林

台巴是為 答實巴番僧改 答巴堅參亦番僧改

燦 卜列革今改 把塔木兒今改 罕慎今改 阿力今改 速

禮今改 牙蘭今改 也力今改 脫羅干今改 亦思馬因今改

音 辛愛語改 桃松泰韃女錫林阿之 吉能即濟農也

仍改 老把都今改 土蠻今改 把都兒今改

通軍托改 隆慶初濟農據河套為西陲諸部長屢入寇乃以王崇古總督三邊

把漢那吉巴噶奈濟 一克哈屯伊克哈敦 禩兒都司今改

多斯地 昆都力吟本語 朵顏長禿察改 董狐狸呼改

長昂長安 張其哈刺齊改 切盡台吉辰改 黑石灰斯改

委今改 煖土今改 拱土今改 卜言台周今改 把速

補遺

亥今改蘇
巴爾噶
炒花今改
綽哈

廿二史劄記補遺

